

茗
柯
文
編

序

武進張大令式曾將重刻其曾祖王父皋文先生茗柯文集而以寫本示余屬爲之序蓋文章之變多矣高才者好異不已往往造爲瑰瑋奇麗之辭倣效漢人賦頌繁聲僻字號爲復古會無才力氣勢以驅使之有若附贅懸瘤施膠漆於深衣之上但覺其不類耳敘述朋舊狀其事蹟動稱卓絕若合古來名德至行備於一身譬之畫師寫真眾美畢具偉則偉矣而於其所圖之人固不肖也吾嘗執此以衡近世之文能免於二者之譏實鮮蹈之者多矣皋文先生編次七十家賦評量殿最不

失銖黍自爲賦亦恢闊絕麗至其他文則空明澄澈不復以博奧自高平生師友多超特不世之才而下筆稱述適如其量若帝天神鬼之監臨褒譏不敢少溢何其慎與自考據家之道旣昌說經者專宗漢儒厭薄宋世義理心性等語甚者詆毀洛閩披索疵瑕枝之蒐而忘其本流之逐而遺其源臨文則繁徵博引考一字辨一物累數千萬言不能休名曰漢學前者自矜創獲後者附和偏諛而不知返君子病之先生求陰陽消息於易虞氏求前聖制作於禮鄭氏辨說文之諧聲剖晰豪芒固亦循漢學之軌轍而虛衷研究絕無陵駕先賢之意

萌於至隱文詞溫潤亦無考證辨駁之風盡取古人之
長而退然若無一長可恃其蘊蓄者厚遏而蔽之能焉
而不伐斂焉而愈光殆天下之神勇古之所謂大雅者
與張氏之先兩世賢母撫孤課讀一日不能再食舉家
習爲故常孝友艱苦遠近歎慕自粵賊縱橫東南糜爛
常潤等郡室廬蕩然張氏之窮約殆有甚於疇昔書籍
刻板皆摧燒不可復詰矣余昔讀張氏諸書旣欽其篤
行茲重覽茗柯文編樂其復顯於世也乃忘其陋而序
之同治八年十月湘鄉曾國藩

序

武進張皋文編修以經術爲古文於是求天地陰陽消
息於易虞氏求古先聖王禮樂制度於禮鄭氏豈託於
古以自尊其文歟又豈迂回其學而好爲難歟聖人之
道在六經而易究其原禮窮其變知扶陽抑陰之旨然
後交際之必辨其類議論之必防其流失也知經上下
定民志之旨然後措施必求其實有裨於治許與必衷
於彝典也下及騷選其支流也近時易學推惠氏棟禮
學推江氏永而二家之文無傳蓋義之附於經者內也
義之徵於文者外也由內及外而發揮天人之際推闡

制數之精其所蘊更宏其所就更大惜乎編修之不究
其用而遽沒也編修所著書元爲刊其周易虞氏義虞
氏消息儀禮圖今其友李生甫張雲藻又爲刊其編年
文集爲四卷而屬序於元因闡編修之素所持論俾後
之學爲文者決擇焉若其文之不遁於虛無不溺於華
藻不傷於支離則又知言者所共喻也嘉慶十四年夏
阮元序

茗柯文初編目錄

賜進士出身 實錄館纂修官 武英殿協修官 翰林院編修 張惠言著

初編

自戊申至甲寅凡文十八首爲一卷

二編

丁巳戊午凡文四十三首爲二卷

右先生庚申歲自編有自序

三編

自己未改庶常至辛酉散館止凡文三十首爲

一卷

右先生辛酉歲自編

四編

自辛酉五月至壬戌五月凡文十四首爲一卷
右先生既沒士錫於遺稿中編錄者先生自
編其文凡爲他人作及壽言率不錄故据爲
例所刪文則別編焉錫董士錫謹記

茗柯文初編目錄

自戊申至甲寅凡文十八首爲一卷

游黃山賦 并序

黃山賦 并序

寒蟬賦 并序

秋霖賦

望江南花賦 并序

竹樓賦 并序

賃春賦 并序

鄧石如篆勢賦 并序

長平鏃箴

并序

七十家賦鈔目錄序

莊先生遺文後序

書墨子經後

讀荀子

讀柳子厚天說

送惲子居序

送張文在序

莊君墓表

崔景弼哀辭

荅柯文初編



游黃山賦

黃山者靈圉之閒館有方之鬱林夫其奇瓌詭麗超絕
列嶽蓋象崑崙閬風方丈蓬萊又其幽局宮別杳冥卉
旭凝霜仍雪閼自太始舉世罕能登陟是以容成宅其
陽浮邱棲其顛軒皇練其鼎玉女流其函鸞鶴翔其林
芝英挺其阜亭與桐城王灼濱麓客遊茲邦因往探焉
故復麤覽誕略未遂冥尋然于高則窮蓮花之崇于奇
則盡雲海之怪亦足以極茲山之絕觀方俟永解纓絡
結廬神隩故聊託篇翰以誌勝懷左思曰登高能賦者

李太白集卷之四
一
願其所見也。其所未覩，蓋闕如也。

迫區中之隘陋兮，積寥廓而神攄。行周覽乎八極兮，騎
騂騁以踟躕。崑崙荒忽莫可搖集兮，奄息汜濫舒節乎
三天子之都。朝吾濟夫容溪兮，覩容成之高臺。鬱巖巖
之峩峩兮，拂穹窿而上回連。岑岵其塊北兮，徑曼羨以
延屬。經崇駮以撇天兮，歷隨罷陀以頽谷。霞嬰雲川
般以澹蕩兮，嵒崿紆滿紛以相逐。時固未臻乎黃山也，
忽丹嶂之岑嶙兮，頰羣峭以霞起。浮纖削而羇敷兮，勢
振颺而不已。心炯炯而上假兮，自眇眇而無倚。何風引
而歟去兮，慶不可乎彌揆。夕信宿于招提兮，浴神濫之

湯湯陰火燭薄于巖幽兮伯僑無忌奔以回皇疏煩想
于游蒙兮霍然飄除霽然雲揚乘凌兢而絕太陰兮與
眞緝乎相將橫竊窕以互折兮俠飛泉以高趨聞幻景
之恍惚兮有空相之僊廬旋室窈窕以嫵媚兮快振厲
翳而相扶應眞卓錫以遙佇兮狀顛顛而睢盱羌尋眴
而無見兮悵天閼之不我舒厲歸阿而百轉兮穿窮劣
以上征雲飛飛而襲予兮后氣黹黹而愈清岑崑雜遝
以差錯兮衝菴隱倚追以縱橫堂防絕限崛以艘路兮
愕眙恍異梁以搶攘入鬼室之懿溟幽杳兮出雲窟之
室寥窳冥搏谿頤之膠盤枝梧兮尋光景之晻曖鏗暝

稍定氣而回眺兮。矗天都之巍巍。下嶙峋而刻削兮。上
洪紛而錯。崔嵬翹撇烈孤。以獨舉兮。鷹重陽而下。迤形
精溢遠。若不知其所抵兮。盪空青而無依。縝澤絡繹交
以騰湊兮。龍鱗霞駁。燁以林離。天扉石室。儼以高躋兮。
亢鳥騰乎將吾止之。獨橋首而不可卽兮。心徊徊而不
怡。仰穿溟滓兮。上出彷徨。傾臺兀兀兮。俯視崢嶸震慄。
徙倚兮。一升極目。天表兮。洋洋蓮華。敷萼以右起兮。翼
天都而雙標爭奇角。詭兀不相讓兮。峻嶒鬼歲据以天
橋。紅采翠氣交曳而竝颺兮。蒙合欲歛半散以招搖。披
桃花而屬夫容兮。前雲門而擬逍遙。往往高松負石以

成質兮壁走。樛枝以還。會東西。蜿蜒徙靡而卻。負兮蛟。螭。蚺。鰐。相詭而異態。沐疏仡之霜雪兮。噴禪通之沆瀣。猿狖仰眴而不能攀兮。離朱目眩而不能紀。流視羣崕。靡何纍纍。高低混茫。襃積參差。鬱撓天地。茫茫霏霏。似驚潮之鴻涌于海門兮。如嶁垤之冢列于庭階也。于是脈奇選崇。望蓮華之顛而造焉。降噴岫而陟欒則兮。回兀婁而踐馥鬱風。磴運裹以穿浹兮。后齒盱駭以碣突。遂巡二分以側足兮。卞視缺巖。摩窮以罔沕。噤吟跼蹐。僅乃得度兮。自眩轉而克忽。詘轄折技。熊經以卻立兮。浸淫啞咽。攀以中必。雖荆忌之僇。佼疾迅兮。猶廩廩而。

氣失。爾乃石扇頽。冠兮掩。杳玲瓏。會宇覆。覆兮宛。渾交
 通。參差蔽虧兮。壹陰壹陽。枝櫟刻削兮。神樞而鬼工。淹
 回旋而詰屈兮。邈乾坤其若蒙。歟。噴涌而上。出排闥。闥
 之蕩蕩。軼遊氛于鴻濛。淩虛無而獨立兮。貫到影而高
 厲。倚瑤光而部眾神兮。捐豐隆而扶屏翳。馮蔑蒙而下
 矚兮。汨修墮于一氣。岬岬鎖列瑣碎而不可詰兮。宕冥
 冥其容裔。攬九海而撫八紘兮。吾乃今日窺天地之所
 際。竭吾下夫崔巍兮。降雲梯之嶢嶢。逶迤桑折以規轉
 兮。阬隤稽而若顛。得底平而出天壁兮。乃馮豕而極巔
 圍羣象于寸眸兮。駢衍振陳宮以甕顏。擗菡蘭之卅六

兮。屹元君于雲閒。卻睨巨壑兮。嶽淫焜漾漾兮。奪精僊
之人兮。威蕤紛何爲乎。揚靈總圭笏兮。相翔吹參差兮。
杳冥滴漉陸離班以屯塞兮。振耀習壺瀾以煌榮四顧。
揭北華。華縱縱怪物神鬼紛羅交馳。巨鼃沒吻以鈎鈎。
兮。卻巋鳳而躩踞。狡狴胡談以奮疊兮。作首目之彰彰。
巨靈高掌于雲外兮。勢爪踢乎華衰女娥幼眇以流睇。
兮。被長佩之蕤綬。百怪欺猥以噩對兮。儼隣眇而睽睽。
羣岳岳以嶷嶷兮。隨顧盼以駉駉。卒悚悚以驚魂兮。中
怡悵而意迷。曾嶄窪窅。日夜出雲滂沛。萑鬱烟烟溫溫。
紛颺起而屬天兮。泊混會而渾庀。爾乃輕颺乍起。岩拂

四表。淫。揚。驚。奔。泮。渙。騷。擾。紛。紜。邇。迴。以。下。降。兮。綢。繆。周。
盤。輓。以。旁。繞。穹。窿。糾。撓。皇。以。回。薄。兮。紆。鬱。漫。衍。敷。以。綿。
邈。圓。宇。廓。以。清。激。兮。柔。祇。濫。其。漫。漫。匝。而。頽。洞。千。里。而。
無。極。兮。州。神。大。瀛。倒。灌。而。外。環。于。是。紛。蒨。惝。恍。漾。漾。淅。
淅。險。隨。曳。巘。閭。闔。旋。冤。漚。洶。洶。其。交。會。兮。滂。煩。澹。而。紛。
屯。嶄。巖。累。崦。怒。起。而。涌。出。兮。吸。漚。瀟。率。迫。隘。而。復。還。鯨。
回。鯢。擊。若。光。而。若。滅。兮。變。化。天。橋。穆。以。龍。翰。倏。蠓。蜩。像。
揚。光。以。出。入。兮。忽。若。鮫。人。水。斐。飄。麗。以。眇。曼。三。山。混。漾。
歛。在。水。下。兮。渺。不。知。其。所。遷。崦。中。起。而。突。植。兮。又。象。碣。
石。之。孤。騫。潛。眩。譎。幻。儵。忽。而。萬。變。兮。單。不。可。乎。究。原。于。

是目。駭意。蕩志。懼神。疑忽兮。改容。微波。不揚。輕塵。不飛。
直際。天極。浩乎。瀾瀾。沈沈。溶溶。鱗離。離。嘻嘻兮。旭旭。
天闔兮。洞開。翠爲。繆兮。朱爲。旗。金爲。闕兮。銀爲。臺。仙車。
九葩兮。紫葢。委麗。鮮。扁。卉。翕兮。紛。緼。輝。光。炫。耀兮。陸離。
暢。颺。然而。與神。俱兮。廓。蕩。蕩。而。高。馳。曳。寫。霧。而。遵。逝兮。
厭。浥。襟。之。英。英。披。靡。蕪。之。幡。纒兮。宿。隩。嶇。之。松。聲。幽。人。
爲。我。揮。琴兮。儀徵江鉦字麗田隱居山中。遇。素。女。于。太。清。山。鳥。更。唱。
而。赴。曲兮。流。仙。樂。之。泠。泠。紛。吾。窮。此。遐。覽兮。與。無。友。而。
爲。期。揖。松。僑。而。儷。游兮。載。羨。門。而。與。之。歸。逝。散。髮。以。消。
搖兮。遺。氛。氣。乎。獨。來。乘。日。月。之。精。照兮。綴。雲。虹。之。采。蕤。

左格澤之炎精兮。右屬卿雲乎。崦嵫蒼蚪顚鸞。起蜺以相待兮。丹砂赤醴煜爛以凝滋。餐六氣以呼吸兮。差五采之璫枝。庶遠遊之輜舉兮。聊發軔乎自茲。

黃山賦

余旣作游黃山賦。或恨其闕略。非昔者居方物。別圖經沐浴崇陴。羣類庶聚之意也。乃復攬采梗概爲之賦云。丹陽之南蠻障之中。有黟山焉。是曰三天子之都。上絡斗紀。下樓衡巫。外則率山崔嵬。于近作嶂。陪以大鰐。屬以匡廬。廬江出其西。漸江出其東。千源萬派。經營淡澹。各走相詭。宛潭黠黠。回錡隘。獻迫觸。輶輶逆。防孫理梢。

蒼。出。窻。勢。若。矢。激。不。可。迫。覽。雷。出。電。追。轉。石。異。聲。闐。沛。
汨。淚。泫。龍。鏗。訇。漻。漻。豁。豁。嗒。嗒。悲。鳴。鐘。鏞。穆。羽。將。鎗。代。
更。蕩。滅。燥。竭。纖。潛。不。藏。文。錦。鱗。磔。瑩。瑩。煌。煌。若。此。者。數。
百。千。處。然。後。溪。闕。會。流。交。注。羣。輪。涖。涖。潼。潼。上。合。彭。蠡。
下。達。曲。江。爾。其。大。勢。則。盼。吟。啞。崇。糾。纏。崛。崎。積。沓。匿。而。
陰。陽。蔽。虧。夫。容。菡。萏。倚。天。無。茄。形。精。互。輝。灼。若。朝。霞。其。
會。高。則。上。出。閭。闔。平。睨。寒。門。頽。視。一。氣。空。如。下。天。其。窮。
陰。則。涸。沍。慘。悞。昧。不。見。太。陽。乃。有。因。提。之。雪。循。蜚。之。霜。
其。石。則。蹉。踖。刻。削。岫。索。增。積。搏。總。別。追。重。疊。并。益。將。顛。
復。稽。附。踣。蹠。縱。橫。駭。盱。震。心。警。魄。黝。質。斑。采。炫。耀。龍。

鱗。隨。物。成。象。百。怪。千。端。若。有。鬼。神。突。怒。凌。厲。單。不。知。其。
所。原。增。巖。重。岫。螭。蟠。窈。冥。環。橑。複。竿。脇。施。瓏。玲。陽。光。迺。
輝。疑。自。地。燭。不。見。天。形。或。乃。瀕。籩。金。鼎。威。蕤。玢。靈。匡。牀。
方。几。羅。于。其。庭。霞。文。碧。篆。守。以。六。丁。爾。乃。覽。其。支。絡。周。
其。宮。別。于。前。則。雲。門。豁。閤。九。峙。高。闕。夫。容。桃。花。紫。石。丹。
沙。疊。障。擲。蓋。青。鸞。石。人。儻。儻。茂。茂。爰。有。溫。泉。是。之。自。出。
天。都。巍巍。錦。然。特。雄。蓮。華。右。起。爭。隆。匹。崇。紅。杏。交。錯。洪。
紛。馮。戎。羣。峯。來。朝。若。環。紫。宮。其。上。則。有。仙。扉。石。室。醴。泉。
之。池。日。精。月。魄。藏。華。發。奇。其。左。則。天。柱。峴。峴。探。珠。參。差。
軒。轅。上。昇。仙。樂。天。衣。青。鐔。白。鵝。嶺。嶙。峩。疑。九。龍。懸。泉。消。

搖之溪堪喘溶洗千態萬狀澄莫百尺輝黛沈颺列如
鱗星揮布茫望于中乃有錦鱗揚鬐石斑無雄鮒魚兒
啼其石則有飛雲龍際容成浮邱石牀布水聖泉飛來
松林采石紫雲翠微霍鮮互別翺翔相追其谷則乖龍
老蛟蜜蜃淵處千瀑亂入冬夏激雨鴻扶延延雲轉雷
聚丹臺中填是曰天海轡擬眾皴琴琴紫紫家影厥嶺
陴貢其惶絡繹臬杌藹空流光赭霞飲焱髦紛前翠彩
濯濯般爚旁于後則仙都峇堯師子疊奮丹霞石琴屬
以始信叢石筍植緣卒而起箭簪嶂岫傑池未已爾乃
其木則有木蓮九照神州無偕檀栳蒼柏海桐辛夷楓

栢。桎。榔。樅。桂。黃。楊。柯。杈。交。柯。魁。瑰。紛。揚。馮。凌。藩。京。鬱。鬱。
尊。尊。上。臨。重。陽。喬。羽。聶。炆。旁。卻。日。月。中。稽。風。聲。樛。櫨。叫。
嵩。無。時。晏。甯。頽。根。陰。幹。出。火。自。照。輝。輝。熒。熒。其。下。乃。有。
白。虎。蒼。豹。素。雌。元。熊。山。間。一。角。醜。鹿。人。从。倏。來。報。往。驚。
呌。羣。訢。獲。父。喜。願。獬。子。猿。公。蒼。髯。修。顏。接。幹。回。叢。透。脫。
牢。落。夫。掉。無。窮。其。上。乃。有。雙。鵝。獨。鶴。列。仙。之。乘。碧。雞。流。
離。雍。雍。嬰。嬰。伽。伽。之。鳥。引。曲。赴。節。若。調。乎。簧。笙。其。松。則。
枝。梧。節。族。盾。石。鬣。雲。蛟。螭。倒。投。之。而。鱗。鱗。仰。颺。撇。烈。不。
見。抵。根。奇。環。易。貌。視。之。無。窮。察。之。無。端。其。下。乃。有。琥。珀。
威。喜。伏。靈。石。脂。蘊。精。閤。采。僊。靈。是。資。草。則。鋪。于。披。靡。輒。

芳蔚蔚。薜蘿蕪突。薤苢蒟蒻。薜荔珊瑚。翠雲龍脩。雲霧春芳。
隱降秋馥。霍漢蕝花。散榮翕習。蔓若青碧。翠紫菲菲。菁
菁炤耀。煌煌不可紀名。粵有大藥黃連。山精餘糧。大苦
茱萸。回芸赤砂。石乳紫芝。九莖石藍之花。千年一榮。神
農未知。兪跼未更。若乃黃柑丹杏。桃栗杜楸。枇杷棠梨。
若榴木蘭。彼子楸梅。鱗芳裂芬。林禽崖密。松肪出焉。爾
乃其懸磴突。駭揭孽側。足厲婁犯。峯坱踏礪。聳仰冠傾。
侈俛跂窈。邈震震慄慄。萬端異類。氣盡汗駭。悅悅魂隊。
進不敢征。退不得喙。悠忽怛悵。目不敢睽。蛟息扶服。熊
經烏眴。然後得屆焉。若其淩鴻濛。貫倒景。憩涵泣。息泮

溟。浮。恍。惚。超。虛。無。爛。昭。昭。神。靈。居。沆。瀣。涌。瓊。英。充。偃。仝。
所。征。歟。扈。豐。融。聚。穀。公。樂。呼。吸。亡。雙。于。是。天。雨。新。霽。蔚。
蒼。朝。賸。暄。魁。垓。北。滂。洋。四。施。襲。混。懷。隧。馮。徃。陵。夷。東。混。
扶。桑。日。之。所。出。南。潰。炎。風。西。淹。總。極。北。沍。積。冰。漫。漫。汨。
汨。風。至。波。起。天。地。岌。岌。狀。若。浮。海。說。于。碣。石。沄。沄。積。陵。
化。爲。魚。鼉。微。鯨。奔。鯢。稠。嶽。續。翻。土。囊。鬱。勃。萬。響。怒。叫。驚。
禽。悲。獸。跼。魂。哀。嘯。麟。麟。隱。隱。不。知。處。所。頽。聆。忽。荒。皆。在。
水。下。翔。陽。震。盪。涌。波。憑。輿。浮。彩。下。爛。絢。耀。上。升。天。紀。地。
緯。薩。扈。煌。榮。九。光。十。彩。轉。互。代。更。蓬。萊。閭。風。昆。侖。會。城。
琪。樹。建。木。珊。瑚。琳。瑯。戴。勝。虎。齒。雒。陽。流。形。苾。苾。無。端。隨。

望而生綱。縕元黃。憎將會。憾憑蒙。龍睨天。絳靈之靈氣。
鎮高邁。橫凌九坑。杳天外。于胥樂兮。發蒙蓋。

寒蟬賦

陸士龍謂蟬有五德。故爲作賦。亦復僑居之感。貧才之
歎也。余唯其蛻濁。滅辭泥滓。清潔莫尚。無營于物。而喧
喧不已。豈莊生逍遙老氏守嘿之旨耶。暇日省陸賦。聊
致思焉。

夫何寒蟬之修絜。感時運而來翔。辭緇涅于埃濺。翩乘
風而逌行。儵旣翕于五日。歛畢伏于淹望。何變化之至
神。而知幾之孔章也。端廣額以飾首。抗修綬以儀冠。斑

文章之照爛。矯流離于輕翰。噉醴泉以爲飲。接沆瀣而爲餐。棲一枝而有餘。翳片葉而爲安。心抱清而守素。體逍遙以自然。胡嘒嘒以悲號。聲感激而永慕。橫滔涸而頻咽。鬱起厲而縈互。紛旁振以接響。唉逐聲而合趣。款餘芬于勁秋。弔陳芳于假夏。恐雨雪之風集。淹餘光之易謝。怨王孫兮不歸。紛啾啾而誰訴。豈緘默之不能將多言而未寤。頌曰。繫惟寒蟬。稟五德兮。精類外糅。內任白兮。居高揚清。姱而不閉兮。應侯守信。亮志以壹兮。含氣飲露。泊其無求兮。逍遙棲遲。孰非大游兮。益葆厥章。貞以長靜兮。閉志自藏。保正性兮。藥汙遷爽。任而不守。

兮·嗟爾至德·永以爲友兮·

秋霖賦

何重霽·宵宵之曖曖兮·噫·訕訕而無譌·八溟傾以雲霽·
兮·天地鬱沓以滲離·羲和潛轡于太陰兮·金樞弭節而
勿御·屏翳眇靈以扇威兮·豐隆日夜而屯聚·值秋氣之
淒淒兮·況茲霖之洽漑·登高城之曠覽兮·潦汨減以四
集·清漳奔陽以潰溢兮·平蕪漾漾以漑漑·川原淼其無
津兮·哀行旅之深涉·驚鷗高鷹側翼而孤瞬兮·雁嗷嗷
而無依·寒翼溼而不飛兮·稻梁悠而不歸·心抑鬱而無
慘兮·暮獨返乎虛堂·颿風淒淒而入幃兮·雷循檐之浪

浪。茅。闔。苦。而。不。蔽。兮。雨。足。入。于。空。牀。夜。沾。溼。而。十。起。兮。
屢。顛。倒。乎。余。裳。獨。專。專。而。不。寐。兮。百。慮。顛。而。侵。尋。故。鄉。
杳。以。日。遠。兮。又。流。轉。而。北。南。唯。同。懷。之。宋。厯。兮。共。千。里。
之。忉。心。造。分。襟。于。假。夏。兮。淹。清。秋。之。緒。風。欲。褰。裳。而。就。
之。兮。限。浮。潦。之。淫。淫。念。人。生。之。靡。樂。兮。恨。秋。夜。之。不。旦。
聊。援。翰。以。抽。思。兮。許。中。懷。之。惓。惓。

望江南花賦

庭。有。小。草。宵。聶。晝。炕。莖。不。盈。尺。黃。花。五。出。四。杼。交。替。儼。
而。同。氏。藥。必。其。偶。縱。午。相。代。開。秋。發。芳。風。嚴。霜。頽。而。彼。
寸。柯。方。鼓。厥。章。客。有。言。其。名。者。是。曰。望。江。南。之。花。旣。感。

其道爰爲賦焉

何小草之珍瑋感茲名之見奇其纖支附柯簡節薄葉
之麓生也翳弱草繁蕪歟根萌諶荏枝條倚靡遊塵離
焉積颺吹焉於是晚春早夏百卉茂止紆丹睨其左錯
紫睥其右。豈費翬散饒部瀾漫乎其側拂兮其不逮時
也委委猗猗誠未足以命知其異也抽兮首兮擺乎其
不爲之友也爾其覲朝陽而布葉矯夕儀而歛陰託秋
霜而表榮倚曾墀而效心華不飾悅香不越林羣不比
標偏不戾參獨專專兮沈沈體志安隱醺醺深深淒淒
兮秋風飄飈兮吹我襟初服兮敢化恐冉弱兮弗任諒

君子之不佩。悵永望兮。江南。

竹樓賦

崔格卿嗜竹。自號曰竹樓。好事者爲畫竹樓圖。煙標旣竝。雲矚在茲。亦勝情者所寄也。請余賦之。辭曰。

江南之幽篠兮。百尺而不見陽石。結根而成色。雲裁葉而舒光。赤山匿素。流折紺。參差縹。淚汨山雕。氣而縛景。水陽朝而陰夕。乃有高樓起乎其中。修欄層倚。空牖玲瓏。虛瑤席以受碧。倒瓊霞而鏡紅。蒼苔孤侵。人聲四沈。單鶴偶叫。潛蚪一吟。雲百態而逕入。風萬響而來。尋于幽居之士。任達之流。迨爾長嘯。渺焉登樓。結柔條兮。

清微

王貞

駁人之選

王陽甫

三春發勁幹兮九秋是時芳杜已歇桂枝方彫悟窈窕
之旣晏顧防露之未朝理紛縕之昔悅屬郢客之長謠
謠曰洞庭波兮湘水深山中人兮青玉衿橫千里之騁
望報蘭茝之素心遂爲頌曰猗彼修竹君子德兮綠文
翠章儀其有則兮登高望遠孰其可識兮絕世獨立與
爾爲極兮

質春賦

海甯張文在僑居京師屬畫者作質春圖以自況爲擬
梁生之賦以敘之

時恒恒兮不畱淹吾馳兮未央周皇都兮結覽悲窈窕

兮日長感梁鴻兮作歌。慘妻息兮內傷。信余志兮弗諒。
容回徇兮微祿。果搏觚兮異方。世不云兮我穀。總余駕
兮將逝。攬九州兮一達。心眩沔兮故園。雲夢夢兮蔽之。
託廡下兮願頤。聊消搖兮時暨。固靡冀兮尙賢。幸芳馨
兮未沫。惟歲暮兮窮陰。風調調兮振林。眾離離兮余笑。
心惻惻兮孰任。

鄧石如篆勢

倉籀既悠。蟲鳥茫晦。秦斯改文。小篆是紀。大書刻山。封
石頌德。摛華絢豔。後載是則。佐隸趨簡。適及分勢。六書
載清。八體亦廢。一漢祿延。厥緒弗恢。金刻石薶。莫究莫

追般般石鼓發于陳倉疇曰體諷庶有憲章在唐李監
載紹厥武我聞其書蟲蝕鳥步傳刻世貿厥真亦抃要
娑媚妍維僞斯勿鍾張之法代傳代工曾是曩文弗軌
弗蹤猗歟鄧生好古能述振茲墜風洪此藻筆俗學紛
縕辭之廓如古人不見誰毀誰譽聞諸蔡邕篆勢有賦
旁涉僞作緣絲凝露用範用閑竚思詳觀數摧彬榮永
光藻翰其詞曰

霽兮風回歎兮電追蓼兮梢雲之冒松櫛瀟兮百川之
隘堆岷激兮逆折豁閭而東歸清思下烝迅神上落經
緯中彌觚芒周作突植立以離偶乃翕趨而佹還窈窕

冥冥若首若驚若應龍將鯢以須震霆幡幡慘慘若陽
若陰似柔柎實榮不可見風或衡運規旋或孤出介入
或來而忽往或闕而不翕或圭組黻佩或瓦碎冰潛縱
橫細縕絡繹續紛遠而望之若異類倅噩竝出鷁首目
之縱萃卽而察之若慈母字子裴回遷轉煦嫗而相分
何分銖之足算豈金鐵之作僂振莛林之絕塵追軼軌
于秦始嗟作者之難覩信知道之實稀舉梗概而略論
願執簡以同歸

長平鏃箴

內閣中書趙君億孫藏銅鏃一枚云自言其外祖父某

副使官山西得之高平土中其地是古長平疑秦趙戰
鏃也春中而殺以爲刃以周尺度之長二寸兩從迤以
博得寸之半鋌斷存者半寸而旁鋌而下刃枝出夾筭
者寸也權其重得今稱七銖二銖于古蓋半鐸而弱以
是知考工記云綯矢長寸圍寸鄭康成氏讀爲長二寸
猶信而圍亦當爲二寸而鄭氏略也又惜其鋌之不完
無以測古三坑爲幾何重也趙君幼而受之其母夫人
夫人幼而受之副使往時其廬火夫人嫁時物悉燬而
此鏃獨存今夫人歿若干年趙君出視未嘗不欲獻也
余旣獲觀焉又讀趙君所自爲銘感其志乃作箴曰

嚴嚴古鏃出自長平昔在羸趙戰爭所營磔磔革革曰
維凶惠孰樹傳斯而是寶是服既刊既葬既夷厥銛既
賁厥華而蒼赤是漸既拔會壤既襲厥珍孰吉金赤錯
而此焉不寶故晦者飾之大恆者道之泰有眾弗愛雖
材必劇有文弗揚雖刊必章矯性而性性性者門也無
用而用尊用者存也匪童之誨曰蔓以爲戒匪今之誼
曰毋訓是勤毋言不更敢告侍旁

七十家賦鈔目錄序

右賦七十家一百八十篇通人碩士先代所傳奇詞奧
旨備于此矣其離章斷句闕佚不屬者與其文不稱詞

者皆不與是論曰賦烏乎統曰統乎志志烏乎歸曰歸乎正夫民有感于心有概于事有達于性有鬱于情故有不得已者而假于言言象也象必有所寓其在物之變化天之濇濇地之囂囂日出月入一幽一昭山川之崔蜀杳伏畏佳林木振礪谿谷風雲霏霏震寒暑雨則爲雪霜則爲露生殺之代新而嬗故鳥獸與魚草木之華蟲走螳趨陵變谷易震動薄蝕人事老少生死傾植禮樂戰鬪號令之紀悲愁勞苦忠臣孝子羈士寡婦愉佚愕駭有助于中久而不去然後形而爲言于是錯綜其詞回悟其理鏗鎗其音以求理其志其在六經則

爲詩詩之義六曰風曰賦曰比曰興曰雅曰頌六者之
體主于一而用其五故風有雅頌焉七月是也雅有頌
焉有風焉烝民崧高是也周澤衰禮樂缺詩終三百文
學之統熄古聖人之美言規矩之奧趣鬱而不發則有
趙人荀卿楚人屈原引詞表悵譬物連類述三王之道
以譏切當世振塵滓之澤發芳香之鬯不謀同偶竝名
爲賦故知賦者詩之體也其後藻麗之士祖述憲章厥
製益繁然其能者之爲之愉暢輸寫盡其物和其志變
而不失其宗其淫宕佚放者爲之則流遁忘反壞亂而
不可紀謫而不觚盡而不殫肆而不衍比物而不醜其

志潔其物芳其道杳冥而有常此屈平之爲也與風雅
爲節渙乎若翔風之運輕飄灑乎若元泉之出乎蓬萊
而注渤澥及其徒宋玉景差爲之其質也華然其文也
縱而後反雖然其與物椎拍宛轉冷汰其義較輶于物
芴芴乎古之徒也剛志沒理輓斷以爲紀內而不汙表
而不著則荀卿之爲也其原出于禮經樸而飾不斷而
節及孔臧司馬遷爲之章約句制寡不可理其辭深而
旨文確乎其不頗者也其趣不兩其于物無翳若枝葉
之附其根本則賈誼之爲也其原出于屈平斷以正誼
不由其曼其氣則引賈而不可執循有樞執有廬頡滑

而不可居。開浚窾突而與萬物都其終也。芴莫而神明爲之橐。則司馬相如之爲也。其原出于宋玉。揚雄恢之。腸入竅出。緣督以及節。其超軼絕塵而莫之控也。其波駭石罅而沒乎其無垠也。張衡盱眙塊若有餘。上與造物爲友。而下不遺埃壚。雖然其神也充其精也。茶及王延壽。張融爲之傑格。拮擻鉤子。敢牾而倣。儼可覩其于宗也。無蛻也。平敞通洞。博厚而中大。而無瓠。孫而無瓠。指事類情。必偶其徒。則班固之爲也。其原出于相如。而要之使夷昌之使明。及左思爲之博。而不沈。贍而不華。連牝焉而不可止。言無端厓。傲倪以爲質。以天下爲郭。

廓入其中者眩震而謬悠之則阮籍之爲也其原出于
莊周雖然其辭也悲其韻也迫憂患之詞也塗澤律切
琴敷紛悅則曹植之爲也其端自宋玉而栢其角摧其
牙離其本而抑其末浮華之學者相與尸之率以變古
曹植則可謂才士矣擗擗乎改繩墨易規矩則佞之徒
也不擗于同不獨于異其來也首首其往也曳曳動靜
與適而不爲固植則陸機潘岳之爲也其原出于張衡
曹植矯矯乎振時之儁也以情爲裏以物爲裸鑱雕雲
風琢削支鄂其懷永而不可忘也盍乎其氣熅乎其華
則謝莊鮑照之爲也江淹爲最賢其原出于屈平九歌

其掩抑沈怨泠泠輕輕其縱脫浮宕而歸大常鮑昭江淹其體則非也其意則是也逐物而不反駘蕩而駁舛俗者之囿而古是抗其言滑滑而不背于塗奧則庾信之爲也其規步踈驟則揚雄班固之所引銜而控轡惜乎拘于時而不能騁然而其志達其思哀其體之變則窮矣後之作者概乎其未之或聞也

莊先生遺文後序

右莊先生遺文若干卷其子有可輯錄先生德博而居隘志昌而遇蹇更貧困務自刻苦爲學問於六經之指古先聖之微言絕學三代之制作并田禮樂政法卓卓

天義削刻傳注審白決黑究之于心持論不爲師說搖
惑將欲有所著述未及就以授有可先生之歿二十年
而有可學成周易春秋毛詩周官具有論說旣乃揆次
先生所爲古文辭歌詩都爲一編句其友王灼敘而藏
之蓋有可旣成先生之志乃敢集先生之文蓋其重也
余不幸幼而孤少長讀先君子所爲詩識先生名知先
君子于先生友也旣與有可游識先生之緒論有可之
窮如先生其爲人進退無咎悔其學不求于世一如
先生先生雖蘊其學不得施用有可能述其書以傳于
後能成其身以章先生之德其父子之際雍容刻厲觀

子茲編可以悲而樂之先君子既與先生交有可又辱
與予善而予學日以困無以自樹立將忝其先人于有
可之集先生文益愧赧悚惕而不能自己也

書墨子經後

右墨子經上下及說凡四篇晉書魯勝傳云勝注墨辯
引說就經各附其章卽此也墨子書多奧言錯字而此
四篇爲甚勝注旣不傳世莫得其讀今正其句投通其
旨要合爲二篇略可指說疑者闕之古者楊墨塞路孟
子辭而闢之自孟子之後至今千七百餘年而楊氏遂
亡墨氏書雖存讀者蓋鮮大哉聖賢之功若此盛矣墨

氏之言脩身親士多善言其義託之堯禹自韓愈氏以爲與聖賢同指孔墨必相爲用向無孟子則後之儒者習其說而好之者豈少哉老氏之言其始也微不得孟子之辨而佛氏之出又絕在孟子後是以蔓延延日熾月息而楊墨泯焉遂微吾以悲老佛之不遭孟子也當孟子時百家之說眾矣而孟子獨拒楊墨今觀墨子之書經說大小取盡同異堅白之術蓋縱橫名法家惠施公孫龍申韓之屬皆出焉然則當時諸子之說楊墨爲統宗孟子以爲楊墨息而百家之學將銷歇而不足售也獨有告子者與墨爲難而自謂勝爲仁故孟子之

書亦辨斥之。嗚呼。豈知其後復有烈于是者哉。墨子之言。諄于理而逆于人心者。莫如非命。非樂。節葬。此三言者。偶識之士。可以立折。而孟子不及者。非墨之本也。墨之本在兼愛。而兼愛者。墨之所以自固而不可破。兼愛之言曰。愛人者。人亦愛之。利人者。人亦利之。仁君使天下聰明耳目相爲視聽。股肱畢強。相爲動宰。此其與聖人所以治天下者。復何以異。故凡墨氏之所以自託于堯禹者。兼愛也。尊天明鬼尚同節用者。其支流也。非命非樂節葬。激而不得不然者也。天下之人。唯惑其兼愛之說。故雖他說之。諄于理不安于心者。皆從而則之。不

以爲疑孟子不攻其流而攻其本不誅其說而誅其心
被之以無父之罪而其說始無以自立嗟夫藉使墨子
之書盡亡至于今何以見孟子之辨嚴而審簡而有要
如是哉孟子曰我知言嗚呼此其驗矣後之讀此書者
覽其義則于孟子之道猶引弦以知矩乎

讀荀子

一言而本末具者聖人之言也有所操有所遺然而不
虛言言以救世者賢人之言也操其本者不弊操其末
者未有不甚弊者也孔子之言性曰性相近習相遠上
知與下愚不移所謂一言而本末具者也孟子之言性

善所謂操其本也。荀子之言性惡所謂操其末也。其言殊其所以救世之意一也。孟子曰口之于味目之于色鼻之于臭耳之于聲四肢之于安佚是性也不亦與荀子言人之性飢而欲飽寒而欲暖勞而欲休者同乎哉。荀子曰無性則偽之無所加無偽則性不能自美又曰義與利者人之所兩有也。雖堯舜不能去民之欲利雖桀紂亦不能去民之好義不亦與孟子言民之秉彝故好是懿德者同乎哉。公都子問孟子曰告子曰性無善無不善或曰性可以爲善可以爲不善或曰有性善有性不善三說皆非歟。孟子曰乃若其情則可以爲善矣。

乃所謂善也。然則孟子不以三說皆非者，豈不以上知之性善下愚之性不善而中人可以爲善、可以爲不善者哉？雖然，由孟子之說，則人得自用其爲善之才而道甚邇，事甚易。由荀子之說，則道者聖人所以橋揉天下之具，而人將厭苦而去之。故荀子之意與告子異，而其禍仁義與告子同，則操其末者之弊必至于此也。雖然，孔子言仁而孟子益之以義，荀子則約仁義而歸之禮。夫義者人之裁制也，禮者仁義之檢繩也。孟子之教反身也切，荀子之教檢身也詳。韓子曰：「求觀孔子之道，必自孟子始。」後之學者欲求其途于孟子，自荀子始焉可。

也

續柳子厚天說

或曰柳子之說天也。比之果蓏癰痔草木天固若是無
知乎。曰蒼蒼者謂之天。亭亭者謂之地。歔歔翕翕者謂
之元氣。陰陽其有知也。無知也。吾不得而知也。審無知
乎。柳子之說備矣。審有知乎。吾爲柳子竟之。凡有知者
孰過于人人之身。枵然而虛其中者。天地耶。呼吸而往
來者。元氣陰陽耶。人之以有知者。神也。其帝之主宰于
天地。陰陽元氣者耶。然則人居天地之中。其猶心毛肝
葉耶。其脾之榮。膽之精。肺之魂。魄耶。必且猶螭蚺之居

且食于藏者耶其有不善之生也不猶蠱之與瘕者耶
螻蛄之在于藏也未有知之者也其死而出于後然後
知藏之有螻蛄也其奚則生其奚則死其亦仰而訴于
吾乎其亦哀而欲吾之仁之乎人且有恩若罰于螻蛄
者耶寒溼之宛而蟲生焉食之蠱而蟲生焉其生而戕
于藏府痛知于身而不知其爲蟲也有扁鵲者藥而下
之扁鵲者知之其人不知也魯之氓有食生菜而蛭生
于腹者病三年他日誤食芫華而病愈故自生以至其
斃而魯之氓不知有蛭也夫屏穀而導引者去三蟲螻
蛄未有生焉者也其次和藏氣調血脈瘕蠱未有生焉

者也。神之濁而有蜣蛸神之亂而有瘰癧然則人之生于元氣陰陽之薄也決也彼且及知有生其閒者耶知有生其閒者母亦待彼芟華扁鵲者耶而怨之而哀之而望其賞與罰焉者非惑耶。

送惲子居序

余少時嘗服馬少游言求爲鄉里善人以沒吾世年二十七來京師與子居交觀其議論文韋確切道德乃始奮發自壯知讀書求成身及物之要八年之閒其躋于舉場更厯困苦出類仰塵俗人則相對以悲已相顧自喜益甚凡余之友未有如子居之深相知者詩曰無言

不讎子居之益余多矣。于其選而爲令余可以無言。始
子居之語余也。曰。當事事爲第一流。余愧其言。然未嘗
忘也。凡余之學。嘗求其上矣。自以爲不足。則姑就其次。
故往往無成焉。夫爲令之道。六經孔孟之所述。子居向
時之所道者。皆其上者也。以子居爲之。其不可以至耶。
曰。吾不爲彼之所爲者而已。豈子居向時之所道耶。君
子出其言。則思實其行。思其行。則務固其志。固志莫如
持情實行。莫如取善。是乃子居之所以益余者也。子居
勉之矣。

送張文在分發甘肅序

古之所謂良有司者不待其莅政治民也觀其所以汲
汲者則其於守也可知矣是故有躁進之心則必有趨
勢之術有患貧之心則必有冒貨之漸雖有特達之才
廉恥之念其入于勢利也猶藪之在項竊之在目而以
旋于磨雖欲自拔其足其勢固不得已嗚呼今之有志
于吏道者鮮矣今各省自州縣至丞尉謁吏部而出者
歲數百餘人其人皆有司牧之責其間亦有知名義識
廉恥者然吾觀其所以進爭尺寸之捷較出入之勢進
退之械則未有不求熟者及其選而得官則譁然曰某
地善某地惡得之者忻戚色然問其所以爲善惡者則

非政之險易也。非民之溷澆也。曰某地官富。曰某地官貧。嗚呼。士未莅官。未治民。而所汲汲者如此。古之良有司。其終不可見乎。海鹽張文在。強毅慷慨。喜任俠。然敦爲孝弟。少舉于有司。困不遂。走京師供事。國史館積若干年。以勤能。例得府經歷。又幾年。史館移選人入吏部。文在例得與。而主者抑之。不得選。今年秋。以貲入。請試用。分發得甘肅甘肅地邊塞。民窮官貧。自長吏以下。不能具興。馬士大夫宦者。視爲畏區。而文在以磊落才。抱負奇氣。浮汨爲吏十餘年。更偃蹇摧困。始得一官。而當遠絕西徼。家又甚貧。雖知相者皆爲文在不樂。而文

在處之晏然且曰吾聞甘肅民朴而政簡長官無奔走
賓客無繇役此真吾所樂者君子于是知文在之賢其
不躁進也其不患貧也其有守也他日莅政治民其爲
良有司也無惑焉于其行也序以送之

莊君墓表

乾隆五十七年正月十三日故國子監生莊君卒年七
十以某年某月日葬于某原自君未卒之二年故患噎
疾者垂三十年矣懂乃得愈恆杜門簡人事而其宗祠
舊有田產主者弗能理日以落羣議代者難其人君奮
然曰吾老矣幸而不死請以餘生治此他日可以見先

人乎乃取出入籍日夜鉤校之必親仿北渠吳氏義莊約定爲章規榜祠中北渠吳氏者自明時其祖性置祠產號爲義莊子孫守之至今郡人比之吳范氏君旣與族人約盡釐宿所弊經畫之至忘寒暑飲食家人固請少息不聽如是者十餘月條理屬具而君勞苦致疾竟卒君生數歲而喪母事考石門君朝夕無方四十餘年未嘗廢左右石門君致官家居君之兄曰綸渭中進士知縣武康嘗迎親就官舍然石門君尤樂君之養居數月輒歸維綸渭亦樂君之能養其親也君應舉于鄉再進再誅或勸試京闈君以石門君故不可其後疾作遂

絕意仕進焉。石門君之卒，會有故，十年不克葬。君常自咎責，執心喪，不御音樂，及畢封樹，顧謂其子宇達曰：「吾今臥背，始帖席也。」君性狷潔，無棄言，無責諾，聞人是非，若山在己，又盛氣與人言，偶及不平事，立發憤，大恚變色，氣上逆，久之乃已。喜讀史，至其感慨往往盛怒，投卷起，左右皆卒愕，其得噎疾以此。及理祠事，事或不能副君意，君盛氣忼慨，益銳身以爲己責，故其心力尤瘁。竟不支云。君諱細，衡字耘石，祖令輿，翰林院編修，考柏承中明通榜，初爲靈璧縣教諭，選授湖南石門縣知縣，以疾乞休。母董太宜人莊氏世爲武進顯族，自君祖父時

以進士起家者同時十餘人至君而抑困子字達有儒
才復躋有司君謂之曰自吾祖入翰林以官籍解于省
者六人昔之易今之難也聞之再植之木其根必傷汝
好培之蓋君之用意如此君配吳儒人涇縣教諭振聲
之女所謂北渠吳氏者也爲婦謹爲母莊先君七年卒
子一人卽字達縣學生女一人壻董某君之葬也邑之
士來會喪咸以君有質行墓不可無表以書走京師抵
字達之友張惠言曰子宜爲文嗚呼君不幸以疾廢于
世不得有所施設及其事親成身可以有立于後矣乃
系之以銘曰

生也。親之。實死也。親之。勤。胡德之。昌而屯其身。其華不
尊以豐其根。

崔景偁哀辭

余始識景偁于京師。與爲友。景偁以兄事余。旣數歲。已
而北面承贄。請爲弟子。余愧謝不獲。且曰。偁之從先生。
非發策決科之謂也。先生不爲世俗之文。又不爲世俗
之人。偁則願庶幾焉。嗚呼。世俗之爲師。爲子弟云者。其
取之有由矣。其學之有由矣。非所援焉而取。非所荷焉
而學。則以爲狂且愚。昔韓退之作師說。毅然爲人師。一
世非笑之。唯李翱張籍皇甫湜數人。以爲然。余之文質。

靡至誦聖人之書而未識其道其于景偁未有以相過也而窮困之效已明白景偁遊公卿閒名聲日起當世所謂速化之術固當聞之乃退然就執友之門而請受業欣然若有樂者惜乎不遇韓退之使與李翱張籍之徒相頡頏也景偁之學拙于進而勇于取雖小物務旣其實與之論道理未嘗不悅其改過果以速鳴呼使假之年而就其學豈可量哉景偁字格卿蒲州永濟人以乾隆五十八年五月十二日卒于京師年二十五其爲人長弟完好生而父兄稱之歿而所與遊者思之工八分楷書摹印世多藏者余獨悲其有盛志而卒不遂其

學以無聞于後爲可惜也爲辭以哀之曰

嗚呼。偁耶。羣黯黯以爲賢。誰使興耶。旣朝。軼而夕顛。文
誰憎耶。苟啗其命。而胡以厚其憑耶。將匪獲于天。而獨
自以心爲雄耶。才者之小年。延于不肖者之恆耶。泯泯
于後世。而落落乎古人。嗚呼。柰何乎偁耶。

茗柯文初編終

茗柯文二編目錄 卷上

丁巳戊午凡文四十三首爲二卷

楊隨安漁樵問對圖賦 并序

周易虞氏義序

虞氏易禮序

虞氏易事序

周易鄭荀義序

周易別錄序

易緯略義序

詞選序

丁小雅鄭氏易注後定序

畢訓咸詠史詩序

南華九老會倡和詩譜序

莊達甫無名人詩序

遷改格序

茗柯文二編目錄

卷下

贈毛洋溟序

送錢魯斯序

與左仲甫書

答莊卿紉書

鄂不草堂圖記

江氏墓圖記

周維城傳

濟南知府莊君傳

封文林郎惲君墓誌銘

楊君茹征墓誌銘

恭城知縣陸君祠版文

先府君行實

先祖妣事略

先妣事略

隨安言易如下乘口頭禪然却是此文歸宿處所謂反賓為主也幽性好舉棋者成懶側成舉句百文此文亦可見一端杆軸似赤壁賦于居

茗柯文二編 卷上

楊隨安漁樵問對圖賦 并序

楊子圖其貌爲一漁一樵取邵康節氏之文題之曰漁樵問對于時歲在己酉以書命余于京師曰其爲我賦之余時甫涉易學自以未知道不敢以爲其後余南還懼母氏之戚則又不暇以爲今年之春乃得就楊子而觀所謂漁樵問對圖者縱言及于易余謂楊子曰康節氏之爲此言也豈不越哉曰火無體薪無用火以用爲本以體爲末故動水以體爲本以用爲末故靜天本用地本體然故靜體而動用也余以爲不然乾恆易坤恆

簡體也。乾靜也。專動也。直坤靜也。翕動也。闢皆用也。彼
康節者。其道家言乎。先陰而後陽。舍奇而用耦。先天橫
圖。地居東。天居西。以陰爲體也。二而四。四而八。而十六
而三十二。而六十四。陰之數也。易則不然。始于一。變而
七。九。二。八。六。麗于一。七。九者也。故易乾道也。陽道也。畫
數三。兩之而六。陰從陽也。易也者。體陽而用陽。先天者
體陰而用陽。易者。體陰陽而用動靜。先天者。體靜而用
動。然則康節爲老氏之徒。無惑也。吾子覃思卦爻規架
天地時有所得。往往合于鄭荀易學。廢久矣。庶幾吾子
是賴。今乃取康節之說。以自表母。乃逐其末而未究其

本苟隨俗學之軌轍而未折衷于大道也楊子曰子之言則誠晰矣雖然夫易同歸而殊途一致而百慮故曰廣矣大矣不可爲典要今夫步日月者右行及以左行推之而不忒者進退之數也音者孟子言性善荀卿反之言性之善惡雖異而其教人爲堯舜仁義則一也吾惡知夫言陰之耦者非所以言陽之奇乎吾惡知夫言體之非用言用之非體乎且吾聞之求道于易猶挹水于淵取明于太陽也各得其所資焉今吾伏鄉里誦先王之書上以事父母下焉友朋是娛動則不足而靜或有餘性又善病庶幾遺物之役役者以寧吾軀故凡體

其靜而待動者真吾之徒也。又何怪于斯圖也哉。余曰：唯唯，乃爲之賦曰：

魚以膏自烹兮，薪以明自燒。大哉水火之爲貞兮，化萬形而不膠。繫動靜之無方兮，固體用之合德。火假薪而後然兮，水寄魚而後食。夫唯火之爲用兮，用其無用也。傳既盡而不滅兮，吾不知其所從也。水之爲體兮，體其無體也。逝日夜而不舍兮，吾不知其所底也。用者人兮，體者身兮。身者主而人者賓兮，無滑而魂無塞而門。而以卑其施而蘊其文，以全吾之真兮。

周易虞氏義序

漢經師敘所
著法悉如此
此文用漢法
而出入昌黎
子昂

虞翻周易注釋文云十卷隋書經籍志云九卷翻字仲
翔會稽餘姚人少好學有豪氣又善矛太守王朗命爲
功曹朗爲孫策所敗翻追隨營護到東部侯官朗遣翻
還策復以爲功曹待以交友之禮多所匡諫策嘗納之
策攻黃祖翻從說華歆下豫章還至吳策曰孤有征討
事未得還府卿復以功曹爲吾蕭何守會稽其見委重
如此出爲富春長漢徵爲侍御史不赴曹操爲司空辟
之翻曰盜跖欲以餘財汚良家耶策薨孫權以爲騎都
尉數犯顏諫爭權不能說又性疏直數有酒失權因醉
手劒欲擊之大司農劉基固爭得免其後權與張昭論

神仙事翻指昭曰彼皆死人而語神仙世豈有仙人也
權遂怒左右多毀翻乃徙翻交州十餘年卒于交州翻
博學洽聞雖處罪放而講學不倦門徒常數百人爲周
易論語國語老子參同契注解周易日月變例周易集
林律歷太元明楊釋宋其書皆亡目錄在三國志傳及
隋唐書志自漢成帝時劉向校書考易說以爲諸易家
說皆祖田何楊叔丁將軍大義略同唯京氏爲異而孟
喜傳易家陰陽其說易本于氣而後以人事明之八卦
六十四象四正七十二候變通消息諸儒皆祖述之莫
能具當漢之季年扶風馬融作易傳授鄭康成康成作

易注而荊州牧劉表會稽太守王朗潁川荀爽南陽宋忠皆以易名家各有所述唯翻傳孟氏學既作易注奏上之獻帝曰臣聞六經之始莫大陰陽是以伏羲仰天縣象而建八卦觀變動六爻爲六十四以通神明以類萬物臣高祖父故零陵太守光少治孟氏易會祖父故平輿令成績述其業至臣祖父鳳最有舊書世傳其業至臣五世前人通講多玩章句雖有祕說於經疏闕臣生遇世亂長于軍旅習經于枹鼓之間講論于戎馬之上蒙先師之說依經立注所覽諸家解不離流俗義有不當實輒悉改定以就其正又奏曰經之大者莫過于

易自漢初以來海內英才其讀易者解之率少至孝靈之際潁川荀誦號爲知易臣得其注有愈俗儒至所說西南得朋東北喪朋顛倒反逆了不可知孔子歎易曰知變化之道者其知神之所爲乎以美大衍四象之作而上爲章首尤可怪笑又南郡太守馬融名有俊才其所解釋復不及誦孔子曰可與其學未可與適道豈不其然若乃北海鄭元南陽宋忠雖各立注忠小差元而皆未得其門難以示世荀誦者荀爽也是時少府孔融善其書與翻書曰自商瞿以來舛錯多矣去聖彌遠眾說騁辭曩聞延陵之理樂今觀吾子之治易知東南之

美者非徒會稽之竹箭也。又觀象雲物察應寒溫原其
禍福與神合契可謂探索旁通者已。翻之言易以陰陽
消息六爻發揮旁通升降上下歸于乾元用九而天下
治依物取類貫穿比附始若瑣碎及其沈深解剝離根
散葉鬯茂條理遂于大道後儒罕能通之自魏王弼以
虛空之言解易唐立于學官而漢世諸儒之說微獨資
州李鼎祚作周易集解頗采古易家言而翻注爲多其
後古書盡亡而宋道士陳搏以意造爲龍圖其徒劉牧
以爲易之河圖洛書也河南邵雍又爲先天後天之圖
宋之說易者翕然宗之以至于今牢不可破而易陰陽

之大義蓋盡晦矣我

皇清之有天下百年元和徵士惠棟始考古義孟京荀
鄭虞氏作易漢學又自爲解釋曰周易述然掇拾于亡
廢之後左右採獲十無二三其所自述大抵祖禰虞氏
而未能盡通則旁徵他說以合之蓋從唐五代宋元明
朽壤散亂千有餘年區區脩補收拾欲一旦而其道復
明斯固難也翻之學既世又具見馬鄭荀宋氏書考其
是否故其義爲精又古書亡而漢魏師說略可見者十
餘家然唯荀鄭虞氏三家略有梗概可指說而虞又較
備然則求七十子之微言田何楊叔丁將軍之所傳者

舍虞氏之注何所自焉故求其條貫明其統例釋其疑
滯信其亡闕爲虞氏義九卷又表其大旨爲消息二卷
庶欲探噴索隱以存一家之學其所未寤俟有道正焉
耳

虞氏易禮序

韓宣子見易象與魯春秋曰周禮盡在魯矣記曰夫禮
必本于太一轉而爲陰陽變而爲四時其降曰命故知
易者禮象也易家言禮者唯鄭氏惜其殘闕不盡存又
其取象用爻辰爻辰者遠而少變未足以究天地消息
至其原文本質使周家一代之制損益具備後有王者

監儀在時。不可得而廢也。虞氏于禮。蓋已略矣。然以其所及。揆諸鄭氏源流本末。蓋有同焉。何者。其異者所用之象也。而所以爲象者。不殊。故以虞氏之注。推禮以補鄭氏之闕。其有不當。則闕如一。以消息爲本。

虞氏易事序

孟氏說易。本于氣。而以人事明之。然虞氏之論象。備矣。皆氣也。人事雖具。說然略不貫穿。匪獨虞爾。鄭荀多說人事者。爻象亦往往錯雜。後學不得其通。乃始苦其支窒。而不能騁。于是悉舉而廢之。而相辨以浮辭。日以益眾。夫埋者。無迹。而象者。有依舍。象而言理。雖姬孔靡所。

子長論六家
孟堅論九流
繁意皆如此
子居

據以辨言正辭而況多岐之說哉設使漢之師儒比事
合象推爻附卦明示後之學者有所依逐至于今曲學
之響千喙一沸或不至此雖然夫易廣矣大矣象無所
不具而事著于一端則吾未見漢儒之言之略也述易
事云爾

周易鄭荀義序

漢儒說易大指可見者三家鄭氏荀氏虞氏鄭荀費氏
易也虞孟氏易也鄭氏言禮荀氏言升降虞氏言消息
昔者慮犧作十言之教曰乾坤震巽坎離艮兌消息鄭
氏贊易實述之至其說經則以卦爻無變動謂之彖辭

夫七八者象九六者變經稱用九用六而辭皆七八名與實不相應非處犧氏之旨也爻象之區既隘則乃求之于天乾坤六爻上繫二十八宿依氣而應謂之爻辰若此則三百八十四爻其象十二而止殆猶濂焉此又未得消息之用也然其列貴賤之位辯大小之序正不易之論經綸創制吉凶損益與詩書禮樂相表裏則諸儒未有及之者也荀氏之說消息以乾升坤降萬物始乎泰終乎否夫陰陽之在天地出入上下故理有易有簡位有進有退道有經有權歸于正而已而荀氏言陽常升而不降陰常降而不升則姤遯否之義大于既濟

也。然其推乾坤之本合于一元。雲行雨施。陰陽和均。而天地成位。則章章乎可謂得易之大義者也。虞氏考日月之行以正乾元。原七九之氣以定六位。運始終之紀以敘六十四卦。要變化之居以明吉凶。悔吝六爻發揮旁通。乾元用九則天下治。以則四德蓋與荀同原而闊大遠矣。王弼之說多本鄭氏而棄其精微。後之學者習聞之則以爲費氏之義如此而已。其盈虛消長之次。周流變動之用。不詳于繫辭彖象者。概以爲不經。若觀鄭荀所傳卦氣十二辰八方之風六位世應爻互卦變莫不彰著。劉向有言。易家皆祖田何。楊叔丁將軍大義略。

此又以五喻
成章於無可
投色用意中
為此遂使敘
起之文而興
味灑然子居

同豈不信哉。治易者如傳春秋一條之義。各以其例。時
若可比。究則迥殊。李鼎祚朱震合諸家而爲說是。知日
之圓而不知其不可以爲規也。余既述虞氏之注爲消
息以發其義。故爲鄭荀各通其要以俟治古文者正焉。

易義別錄序

敘曰。孔子曰。天下同歸而殊塗。一致而百慮。水之爲川
也。源有大小。流有長短。而皆可以至于海。則斷港絕潢
莫得而擬焉者。其塗通也。吳秦人之生也。同聲及其長
而不相通。然累譯而皆得相喻者。其意同也。聖人之道
著之于經。傳之其人。師弟子相與守之。然夫子沒而微

言絕二百餘年之間以至漢興詩分爲四春秋分爲五
此皆七十子所親受世世傳業口授而筆記猶尙如此
源遠末分非秦火之禍也況乎去聖久遠經簡廢絕承
學之士各自爲宗差若毫釐謬以千里可勝道耶然揆
其本原罔不依經附傳承師論法雖汎濫殊等其歸不
同者尠矣故規矩之所出非一木之材也皆成器焉器
不足以盡規矩則有之矣求之于規矩之外而得之者
未之有也易之傳自商瞿子以至田生惟一家焦氏後
出及費氏爲古文而漢之易有三自是之後田氏之易
楊施孟梁邱高氏而五唯孟氏久行焦氏之易爲京氏

費氏興而孟京微焉。夫以傳述之統。田生丁將軍之授受。則孟氏爲易宗無疑。而其行不及費氏者。以傳受者少。而費氏之經與古文同。馬融鄭康成爲之傳注。故也。王弼注行。而古師說廢。孔穎達正義行。而古易書亡。其見于釋文敘錄者。自晉以前三十有二家。李鼎祚集解所引二十有三焉。皆微文碎義。多不貫串。蓋易學埽地盡矣。可不惜哉。夫不盡見其辭。而欲論其是非。猶以偏言決獄也。不盡通各家。而欲處其優劣。猶援白而嘲黑也。余于易取虞氏。旣已推明其義。以鄭荀二家注文略備。故條而次之。自餘諸家。雖條理不具。然先士之所述。

大義要旨往往而有不可得而略也乃輯釋文集解及
他書所見各爲別錄義有可通附著于篇因以得其源
流同異若夫是非優劣亦可考焉凡孟氏四家孟氏姚
信翟元蜀才京氏三家京氏陸績千寶費氏七家馬融
宋衷劉表王肅董遇主虞劉瓛子夏傳非漢師說別爲
一家

孟氏

孟喜

正義作僞

字長卿東海蘭陵人從田王孫受易舉孝

廉爲郎曲臺長病免爲丞相掾漢書藝文志易章句
孟氏二篇隋志云八卷殘缺梁十卷釋文敘錄云十

卷無上經又引七錄云下經無旅節無上繫今集爲一卷漢興言易者自田何田何之傳王同周王孫丁寬服生各著易傳楊何受王同蔡公受周王孫亦各爲傳田王孫受丁寬授施讎孟喜梁邱賀施孟梁邱各爲章句施氏之後有彭宣戴崇作易傳景鸞作易說孟氏之後有注丹作易通論袁京作難記梁邱之後有五鹿充宗作略說田何所傳著書盡是矣永嘉之亂諸家盡亡而孟氏闕佚之書幸存當漢之季年馬融鄭眾康成荀爽好費氏學由是費氏大興而田氏說微獨會稽虞翻作注傳孟氏史稱孟喜好自稱

譽得易家候陰陽災異書自言師田生且死時枕喜
初獨傳喜樂邱賀以爲妄言喜竟以改師說不得爲
博士今觀虞氏所說陰陽消息之序神明參兩之數
九六變化之用精變神眇將非田生之傳果有得其
祕奧者哉然遺文所存皆零文碎字其大義絕不可
得見藉非虞氏則商瞿所受夫子之微言其遂歇滅
矣夫學者求田何之傳則唯孟氏此文求孟氏之義
則唯虞氏注說其大較也然虞氏雖傳孟學亦斟酌
其意不必盡同蓋古人之學傳業世精非苟爲稱述
而已故據其同異或發其旨庶治古文者有考焉孟

氏卦候消息惠徵士爲易漢學既發明之故不具著
儒者皆言鄭康成始以彖象附經漢志易經十二篇
施孟梁邱三家則章句宜以十二篇爲次今推其文
經亡者率無彖象蓋後人寫者依鄭氏附著之邪抑
其本固然也

姚氏

釋文敘錄云姚信字德祐吳興人吳太常卿注易十
卷文引七錄云十二卷字元直隋書志亦十卷吳興
志有姚德祐文集輯易注爲一卷明人爲之甚疏略
今補而正之余治易始虞氏以其說見于集解者視

他家爲多猶可參校而得其義又商瞿之傳至漢末而絕唯虞爲孟氏學七十子之大義儻有存者故樂得而攷之旣已玩其遺文略得其義例則益知易道消息雖馬鄭大儒未能見之者以費氏徒出經文非有師古說夫子之微言有所闕而不發故也則又竊怪孟氏之傳在吳虞氏五世傳業不絕而漢魏之間未有爲其學者及仲翔之注旣上爲世所推亦未聞有聞風而起者又以知時俗所尙在彼不在此卒使虛空之儒得逞其說經學歇絕良可悲也其後觀蜀才注卦變之法與虞氏同而未得其本翟子元者時

有所合而未詳然皆孟氏之支系也最晚乃讀姚氏
注其言乾坤致用卦變旁通九六上下則與虞氏之
注若應規矩元直豈仲翔之徒歟抑孟氏之傳在吳
元直亦得有舊聞歟惜其所傳者止此無以證之自
商瞿受易三百年而至田何田何之傳四百年而僅
得虞翻虞翻之後三百年而亡其略可見者姚信而
已耳瞿子元蜀才而已耳故吾于三家之書雖闕文
殘字不可比義猶寶貴愛惜紬繹而不敢忽者也

瞿氏

陸德明云荀爽九家集解有瞿子元子元不詳何人

爲易義釋文雖時引翟文而敘錄不列子元易義則知德明未見其書特就九家集解引之李鼎祚集解有翟元翟元蓋卽子元李書諱元爲元鄭元字亦如此其所集亦自九家可知二書之外未見有引子元易者德明稱九家集解序有荀爽京房馬融鄭元宋衷虞翻陸續姚信翟子元若以當九家者然李鼎祚旣引九家又別自引翟元則九家非此九人元朗亦云其注又有張氏朱氏則不以九人爲九家亦可知也或又謂九家者淮南之九師荀爽爲之集解今以李氏所引九家之文往往指釋荀注則九家解荀非

荀解九家又明要之九家所以述荀而旁引他家以證成之觀子元諸文皆與荀義相近則其采自九家又益信然子元之易蓋孟氏非費氏何以言之荀氏有卦變無爻變今子元於泰則云五虛无君二上包五於姤則云九五遇中處正此皆虞氏之義與荀氏殊故知子元爲孟氏易也依九家序所次子元之生必在虞後其與元直蜀才未知後先若其書固已升孟氏之堂而未入其室可以差肩于姚俯接于范矣漢魏易家如此者不多得而亡之最早可知輔嗣注行馬鄭荀義猶不甚相遠世儒尙或傳之最深怪而

屏棄之者孟氏諸家之說也

蜀才氏

蜀才者七錄云不詳何人七志云是王弼後人謝昺
夏侯該云是譙周顏之推陸德明以爲范長生也長
生涪陵丹興人一名延久又名九重又名支字元壽
隱居青城山李雄卽成都王位長生乘素輿詣雄卽
日拜爲丞相尊之曰范賢故又名賢釋文敘錄隋唐
志皆云蜀才易注十卷蜀才之易大約用鄭虞之義
爲多卦變全取虞氏其不同者剝爲師爻爲同人此
蔡景君剝上九爲謙之義推其意蓋以剝爲師師爲

比爲乾之消息支爲同人同人爲大有爲坤之消息
于虞氏旁通之義則未概聞然剝支下降師同人上
升窮上反下其序猶有合者非李挺之之復姤五變
而生剝者所可口實也

京氏

漢易家兩京房太中大夫京房者淄川楊何弟子梁
邱賀所從受易者也無書元帝時京房字君明東郡
頓邱人本姓李吹律自定爲京氏受易梁人焦贛壽
今所謂京氏易者也釋文敘錄京房章句十二卷又
引七錄云十卷錄一卷自隋書志云十卷京氏占候

書隋志十種凡七十三卷唐志五種二十三卷其見
于史傳有遺文者曰易傳曰積算曰飛候曰易占曰
易妖曰易數曰風雨占候其存者積算易傳三卷雜
占條例一卷延壽自言嘗從孟喜問易房以延壽易
卽孟氏學孟氏之徒翟牧白生不肯曰非也及劉向
典校書考易說以爲諸易家皆祖田何大誼略同唯
京氏爲異儻焦延壽獨得隱士之說託之孟氏不與
相同然七略猶著之曰孟氏京房十一篇災異孟氏
京房六十六篇自君明長于災異易家世應飛伏六
位六甲五星四氣六親九族福德刑殺皆出京氏然

嘗推求漢唐以來引京氏言災異者皆舉其易傳而
未嘗及章句至陸德明李鼎祚往往引京氏之文萃
與易傳大異蓋出于章句將非京氏自以易說災異
而未始以災異說易後世之言京氏者失其本耶余
嘗善陸績治易京氏而其言純粹與干寶絕不相類
如其言雖謂之出孟氏也可使京氏章句而在其不
當在陸下章章明矣六日七分卦候消息風雨寒溫
此孟氏所傳以一行所議京氏法四時卦用事上減
九卿卦之七十三分則亦其不與孟氏相應之大者
惜乎章句之文百不存一京氏之大義亡矣惠定宇

易漢學發明京氏積算爲詳余以爲非京氏之所以爲易故不錄占候書而輯章句爲一卷其義例則不可得而說云

陸氏

陸績字公紀吳郡吳人爲孫權奏曹掾出爲鬱林太守加偏將軍釋文敘錄陸績周易述十三卷又引七志云錄一卷隋經籍志云注十五卷文與虞翻同撰日月變例六卷亡明姚士粦採釋文集解合以京氏易傳之注爲陸氏易解一卷今四庫本是也易傳注世有其書又不宜入易注其所採闕謬甚多今正而

補之因論其義例爲一卷公紀注京氏易傳則其易
京氏也余嘗以爲京氏旣爲易章句又爲易傳飛候
之書以謂易含萬象不可執一隅然則積算之法殆
不用之章句以易傳飛候求易者爲京氏者之末失
也今觀公紀所述凡納甲六親九族四氣刑德生剋
未嘗一言及之至言六爻發揮旁通卦爻之變有與
孟氏相出入者京氏自言其易卽孟氏學公紀儻得
之耶京氏章句旣亡存于唐人所引者僅文字之末
不足以見義由公紀之說京氏之大指庶幾見之公
紀以少年與仲翔爲友觀其書亦幾欲與荀虞頡頏

矣

干氏

明姚士粦輯干常侍易解三卷但取李氏集解之文而又時有疏謬丁教授杰補正之頗詳具今依而錄之因論其例爲二卷干寶字令升新蔡人晉元帝時爲著作郎領國史出爲山陰令始安太守王導以爲司徒右長史遷散騎常侍其注易十卷見釋文敘錄隋志又有爻義一卷又云梁有周易宗塗四卷亡冊府元龜又云有周易元品二卷史稱寶好陰陽術數留心京房夏侯勝之傳故其注易盡用京氏占候之

法以爲象而援文。武周公遭遇之期。運一一比附之。
易道猥雜自此始矣。蓋嘗論之。易者象也。象也者。象
也。易以陰陽往來九六升降上下而象著焉。陰陽以
天地日月進退次舍而象生焉。故曰消息。鄭氏之言
爻神用事。荀氏之言乾升坤降。虞氏之言發揮旁通
莫不參互卦爻而依說卦以爲象。其用雖殊。其取于
消息一也。令升則不然。其所以爲象者。非卦也。爻也。
其所取于爻者。非爻也。干支也。由于干支而有五行四
氣六親九族福德刑殺。此皆無與于卦者也。故乾之
爲甲也。震之爲庚也。離之爲己也。此見于經者也。干

支爲卦象也。以甲壬名乾。以乙癸名坤。見辰戌名艮。
見己亥名兌。則卦爲干支象也。以甲子爲水。而乾象
淵以庚辰窮水。而震象姦邪顛倒乖舛。說卦之義盡
謬矣。京氏之義。其本在卦氣消息。其用在爻變考之。
其傳及章句遺文。可知令升曾不之察。而獨取其所
以占候者。以爲象。然則令升之爲京氏易者。非京氏
也。晉韓宣子見易象與魯春秋曰。周禮盡在魯矣。故
易者文王考河洛。應圖書。革制改物。垂萬世憲。章周
公監之以制作者也。鄭氏知之。故推象應事。周官典
則一一形著于易。故曰制而用之。謂之法。舉而措之。

天下之民謂之事業若乃應期受命率而用師商周之所以興廢固亦見焉今令升之注僅存者三十卦而又不完然其言文武革紂周公攝成王者十有八焉至于禮樂政典亂治之要蓋未嘗及則是以易爲周家紀事之書文武所以自旌其伐也且文王作卦辭而蒙託成王遭周公未濟託祿父不終微子爲客則是易爲讖數之言妖災之紀也故京氏以易陰陽推後世災變令升以易辭推周家應期故曰令升之爲京氏者非京氏也魏晉之代易學中微令升知虛空之壞道而未得其門欲以蔑瑱附會之說勝之遂

使後之學者指漢師爲術數而不敢道則易之墜令
升實與有責焉耳雖然其論法象始于天地疾虛誕
之言若邪說豈非卓然不回憂後世之遠者乎

馬氏

費氏古文易徒以彖象繫辭文言解說上下經無章
句七錄有費氏章句四卷蓋僞託不足信傳之者前
漢王璜後漢陳元鄭眾皆無著書有書自馬融始七
錄云馬融傳九卷隋經籍志梁有漢南郡太守馬融
注一卷亡一疑九字之誤而釋文敘錄及唐藝文志
皆有馬融傳十卷孔穎達陸德明李鼎祚引馬融說

似俱親見其書不知隋志何以云亡也馬融爲易傳
授鄭康成康成爲易注于是費氏遂興然陸德明以
爲永嘉之亂鄭注行世而費氏之易人無傳者豈以
僞託之章句爲費氏耶荀爽亦注費氏易者其義又
特異或者費氏本無訓說諸儒斟酌各家以通之馬
鄭荀各自名家非費氏本學也鄭易之于馬猶詩之
于毛然注詩稱箋而易則否則本之于馬者蓋少矣
今馬傳旣亡所見者僅訓詁碎義就其一隅而反之
大抵以乾坤十二爻論消息以人道政治議卦爻此
鄭所本于馬也馬于象疏鄭合之以爻辰馬于人事

雜鄭約之以周禮。此鄭所以精于馬也。故錄馬氏之傳著鄭氏所以同異爲費氏學者可以考焉。

宋氏劉氏

三國志注劉表爲荊州牧。開立學官。博求儒士。使基母閭宋忠等撰五經章句。謂之後定。釋文敘錄及隋經籍志皆有劉表易章句五卷。釋文又引中經簿錄云。注易十卷。七錄云。九卷。錄一卷。疑卽所謂後定者也。而宋忠復自有著書。釋文敘錄云。宋忠易注九卷。字仲子。南陽章陵人。後漢荊州五等從事。又引七錄七志云。十卷。隋志則云。梁有荊州五業從事宋忠注。

周易十卷亡忠與衷五業與五等形聲之殊蓋釋文成于隋其時宋注猶在陸元朗得見之隋志據唐時見存則知此書亡于唐初矣然李鼎祚史徵皆詳引之則似未嘗亡者疑不能明也虞仲翔表云北海鄭元南陽宋忠雖各立注忠小差元而皆未得其門今以殘文推之仲子言乾升坤降卦氣動靜大抵出入荀氏虞君以爲差勝康成者或以此景升章句尤闕略難考案其義于鄭爲近大要兩家皆費氏易也然費氏易無變動而仲子注革五云九者變爻則其異于鄭荀者不可得而聞云

王子雍氏

王肅字子雍東海郡人魏司徒蘭陵成侯王朗之子
文帝時爲散騎黃門侍郎稍遷廣帝嘉平中爲中領
軍加散騎常侍卒贈衛將軍諡景侯釋文敘錄王肅
易注十卷又云作易音而無卷數隋經籍志有易注
而無易音或音與注合爲十卷也肅著書務排鄭氏
其託于賈馬以抑鄭而已故于易義馬鄭不同者則
從馬馬與鄭同則并背馬故鄭言周禮則肅申馬禴
爲殷春祭是也鄭言卦氣本于馬則肅附說卦而棄
馬西南陰方東北陽方用馬注而改其春秋之文是

也。馬鄭取象必用說卦。是以有互有爻辰。則肅并棄說卦。剝之以坤象。牀以艮象。人是也。然其訓詁大義。則出于馬鄭者十七。蓋易注本其父朗所爲。肅更撰定疑其出于馬鄭者。朗之學也。其掊擊馬鄭者。肅之學也。自馬鄭注行而費氏易興。諸家皆廢。荀宋雖費氏而宗之者不及馬鄭。以馬鄭主于人事而不及易家變動之說也。主朗父子竊取馬鄭而棄其言。禮言卦氣爻辰之精切者。王弼祖述王肅而並去其比附爻象者。于是虛空不根而道士之圖書作矣。嗚呼。魏晉以莊老亂天下而易先受其禍。聖道不亂邪。說不

興時數會之于肅奚咎哉

董氏

董遇字季宣宏農華陰人建安初舉孝廉稍遷黃門侍郎魏黃初中出爲郡守明帝時入爲侍中大司農卒釋文敘錄董遇章句十二卷又引七志七錄並云十卷隋書經籍志則云梁有魏大司農董遇章句十卷亡攷集解不引董遇則遇書亡于唐初蓋可知遇著書在王肅前故無與肅合者其于鄭荀則多同義雖不可考要之爲費氏易也

王世將氏劉子珪氏

王廙字世將琅邪臨沂人晉愍帝時封武陵縣侯元
帝時爲左衛將軍諡曰康侯釋文敘錄易王廙注十
二卷又引七志七錄云十卷隋志唯有三卷殘闕劉
瓛字子珪沛國相人宋大明四年舉秀才除奉朝請
不就博通五經聚徒教授常有數十人嘗爲主簿行
參軍公事免遂不復仕齊太祖踐祚欲用爲中書郎
不受後以母老闕養拜彭城郡丞又除會稽郡丞數
除官皆不拜卒諡曰貞簡先生釋文敘錄引七錄云
劉瓛作繫辭義疏隋志有劉瓛繫辭義疏二卷又周
易乾坤義一卷又云梁有周易四德例一卷亡文選

注所引或云易注卽其義疏之文非別有注也而冊
府元龜有劉瓛義九卷董真卿周易會通引劉瓛同
人之注皆不足信東晉以後言易者大率以王弼爲
本而附之以元言其用鄭朱諸家小有去取而已非
能通其說如王虞者是也齊代鄭義甚行史稱子珪
承馬鄭之後一時學徒以爲師範其于易或宜宗鄭
黜王殘闕之餘無聞焉耳

子夏傳

釋文敘錄子夏易傳三卷七略云漢興韓嬰傳中經
傳錄云丁寬所作張璠云或駢臂子弓所作薛虞記

虞不詳何許人。隋書經籍志周易傳二卷。魏文侯師卜子夏傳殘闕。梁六卷。案漢書藝文志。易有韓氏二篇。丁氏八篇。而無馯臂子弓。則張璠之言不足信。丁寬受易田何上及馯臂子弓。受之商瞿。非自子夏。則荀勗言丁寬亦非。劉向父子博學近古。以爲韓嬰當必有據。儒林傳稱韓生亦以易授人。推易意而爲之傳。不聞其所受意者。出于子夏。與商瞿之傳異耶。今所傳子夏傳十一卷。崇文總目云十卷。以釋文集解諸書所引校之。都不相合。晁以道云。是唐張弧所作。惠徵士棟以爲唐時子夏殘書尙存。無容僞爲爲之。

必宋人也。然予謂卽唐時二卷者亦非眞韓氏書。其文淺近卑弱。不類漢人。殆永嘉以後羣書旣亡。好事者聚斂眾說而爲之也。朱子發云。孟喜京房之學。大要皆自子夏傳而出。此不察之言也。孟京之易傳之商瞿。豈得出于子夏哉。子發又以七日來復傳證京房六爻之義。以井谷射鮒傳證井爲五月之卦。固有合者。要之爲傳者。取于孟京。非孟京取于此傳。觀其文意可知也。然晁以道云。二卷之書不傳而漢上易傳所引皆非。十一卷之僞書則似朱子發見之者。其復出于晁後耶。而又何時亡之。文不可曉也。

絳緯能清沖
平正其所養
可知
子居

易緯略義序

緯者其原出于七十子之徒相與傳夫子之微言因以
識陰陽五行之序災異之本也蓋夫子五十學易而知
天命子貢曰夫子之言性與天道不可得而聞是以其
可言者六藝之文著之其難言者游夏之徒或口受其
傳怕益增附推闡以相傳授秦漢之間師儒第而錄之
其亦有技術之士以其所能推說于篇參錯開出故其
書雜而不能醇劉歆之于緯精矣當其時河洛之文大
備而七略不著錄將以符命之學出于其中在所禁祕
耶鄭康成氏漢之大儒博通古文甄錄而爲之注則緯

之出于聖門而說經者之不可廢也審矣至隋而六經之緯焚滅唯易獨存後漢書注載其目曰稽覽圖乾鑿度坤靈圖通卦驗是類謀辨終備宋而更有乾元序制記乾坤鑿度宋之諸儒排而擯之訖于元明無傳于世存者獨明永樂大典所編而緯無完書矣竊嘗以爲乾坤鑿度僞書也不足論乾元序制記宋人鈔撮者爲之坤靈圖是類謀辨終備亡佚旣多不可指說其近完存者稽覽圖乾鑿度通卦驗稽覽圖論六日七分之候通卦驗言八卦各氣之應此孟京氏陰陽之學乾鑿度論乾坤消息始于一變而七進而九一陰一陽相並而合

于十五統于一元正于六位通天意理人倫明王度蓋
易之大義條理畢貫自諸儒莫能外之其爲夫子之緒
論由楊以來先師所傳習較然無疑至其命圖書考符
應算世軌則其傳湮絕文闕不具不可得而通亦非達
士之所欲說也故就三書而求其醇者通卦驗十三稽
覽圖十五乾鑿度十八易學燕絕漢人之書皆已亡闕
其僅而存于今足以考古師說如此三書者治易者蓋
可忽乎哉故條而次之以類相說通其可知者闕其不
可知者存其義略焉爾

詞選序

描筋轉骨傳
肉勾肌悉古
法也結調開
俗例然不得
追習肯人
子居

詞者蓋出于唐之詩人採樂府之音以製新律因係其
詞故曰詞傳曰意內而言外者謂之詞其緣情造端興
于微言以相感動極命風謠里巷男女哀樂以道賢人
君子幽約怨誹不能自言之情低徊要眇以喻其致蓋
詩之比興變風之義騷人之歌則近之矣然以其文小
其聲哀放者爲之或淫蕩靡曼雜以昌狂俳優然要其
至者罔不惻隱盱愉感物而發觸類條鬯各有所歸不
徒彫琢曼飾而已自唐之詞人李白爲首其後韋應物
王建白居易劉禹錫之徒各有述造而溫庭筠最高其
言深麗閎美五代之際孟氏李氏君臣爲諠競變新調

詞之雜流由是作矣至其工者往往絕倫亦如齊梁五言依託魏晉近古然也宋之詞家號爲極盛然張先蘇軾秦觀周邦彥辛棄疾姜夔王沂孫張炎淵淵乎文有其質焉其盪而不反傲而不理枝而不物柳永黃庭堅劉過吳文英之倫亦各引一端以取重于當世而前數子者又不免有一時通脫放浪之言出于其閒後進彌以馳逐不務原其指意破碎奔析壞亂而不可紀故自宋之亡而正聲絕元之末而規矩墮五百年來作者十數諒其所是互有餘變皆可謂安蔽乖方迷不知門戶者也今第錄此篇都爲二卷義有幽隱竝爲指發庶幾

趙筆格格東
坡韓文公碑
無一處不俗
起筆最俗
著論亦激抗
略平爲正
且夫學者一
提亦俗余見
其稿本數語
卽爲其學必
否焉一類前
後錯出無一
定意義便難
此種歐蘇俱

塞其下流導其淵源無使風雅之士懲乎鄙俗之音不
敢與詩賦之流同類而諷誦之也

丁小正鄭氏易注後定序

自王弼注興而易晦自孔穎達正義作而易亡宋之季
年學者爭說性命莫不以王孔爲本雜以華山道士之
言而王伯厚氏獨盡心鄭注蒐輯闕佚彙爲一書可謂
偉矣自是之後蓋五百餘年而得惠定宇氏始考鄭氏
爻辰增補伯厚集注所未備然後天下知有鄭易文數
十年丁君小正從而定之正其違錯補其闕漏次其篇
章然後鄭氏之易大略具焉方今士以不習鄭學爲恥

不免也 既
言鄭氏之學
其要在禮下
更在洋反覆
害之以暢其
旨庶以前知
此法宋後行
之者鮮矣此
文未淨
子居

其考校鄭書者無慮數十家而以丁君此書爲最善蓋
其始爲以至于今二十餘年不苟成書有爲其學者必
咨焉從而爲之校者以十數唯以傳信爲務而不以臆
斷其爲之也勤其出之也慎則其獨善宜也且夫學者
所以貴古書者豈唯其文哉將有取其義也主伯厚氏
之序此書取朱震之言曰多論互體曰以象數爲宗夫
易之有互本始鄭氏自田何楊叔以來論互體不足爲
鄭學也易者象也易而無象是失其所以爲易數者所
以筮也聖人倚數以作易而卦爻之辭數無與焉漢師
之學謂之言象可謂之言數不可象數並稱者末學之

陋也。吾以知伯厚之于鄭易概乎。未有聞也。定宇氏說
爻辰是矣。雖然。爻辰者。鄭氏之所以求象而非鄭氏言
易之要也。鄭氏之學盡于爻辰而已乎。記曰。夫禮本于
太一。分而爲天地。轉而爲陰陽。變而爲四時。其降曰命。
韓宣子見易象曰。周禮在魯矣。是故易者禮象也是說
也。諸儒莫能言。唯鄭氏言之。故鄭氏之易。其要在禮。若
乃本天以求其端。原卦畫以求其變。推象附事以求文。
王周公制作之意。文質損益大小該備。故鄭氏之易。人
事也。非天象也。此鄭氏之所以爲大而定宇氏未之知
也。夫以王惠二家之學如此。則其所輯往往有抵牾而

不知者非其學不博識不精其所涉淺也丁君此書余見其彙本一字之異必比附羣書以考其合往往列數十事是故于義審于義審則其分別有序也無惑爾已余往嘗疑鄭君箋詩以婚期盡仲夏以前于經無所徵驗及就歸妹之注考之六五爻辰在卯二月中辭曰帝乙歸妹以祉元吉九四爻辰在午五月中辭曰歸妹愆期然後知箋義蓋出于此文嘗疑雷震百里以象諸侯周官制則不合及讀晉康侯之注諸侯有三捷之功錫以乘馬而廣之然後知易有三代之制其他如此者甚眾惜乎唐之儒師未有見及此者遂使禮家微言泯沒

此法韓得之
孟荀而無一
密似孟荀舉
文得之韓而
似韓此所以
不及也

子居

而不傳也。然就此書而求之比類。儔物以合鄭氏禮注。則于易之大義。未嘗不有考焉。是則小正之功。不可廢也夫。

畢訓咸詠史詩序

古之爲學。非博其文而已。必有所用之。古之爲文。非華其言而已。必有所行之。必其有所用。則二帝三王周孔之道。如工之有矩。不可以意毀也。必其有所行。則發于中而有言。如鼓之有桴。不可以外遏也。嗚呼。今之學者。其取于古也略矣。其取于己也詳矣。六藝之書。仁義禮樂之迹。習之矣。弗求明也。明之矣。弗求通也。通之矣。弗

求得也故曰其取于古也略爲時文爲辭賦爲詩以集
名者比屋可數下者以爲名也上者以求傳于後也就
其名而傳焉者不可以論是非不可以考治亂而其言
也不可止故曰其取諸己也則詳雖然今之世之所謂
達于用者吾見之矣必其悍然無忌憚者也其其笑爲
迂者則必稍嘗學者焉笑之甚則必其學愈甚者焉今
之言之所謂周于行者吾聞之矣必其惛然無廉恥者
也其其怪爲謾者必言之稍文者焉怪之甚則必其文
愈甚者焉嗚呼吾不得見古之學矣吾不得見古之文
矣其有學古之學爲古之文者將惡乎用之而惡乎行

永叔子固之
開以似永叔
故俗處多能
去之爲妙
子希

之吾友畢訓咸于古無所不學志足以立事才足以致
務而其狀悛悛如鄙人雖與之游者莫能測不苟爲文
唯作詠史詩百餘篇抒譏成敗斟酌道理皆有條驗嗚
呼以訓咸之文求其所學其有所用而行之也審矣世
方迂訓咸則孰知此詩之非謾乎

南華九老會倡和詩譜序

吾友莊達甫授余以南華九老會倡和詩譜余讀之終
篇乃言曰是九人者生皆同族皆仕焉而老其仕皆有
清節又皆能爲詩其不及會而屬和者二十一人又皆
耆德嗚呼可謂盛矣蓋吾聞乾隆之初

國家太平之澤。人物力舒給。百姓安樂。壽考其君子。惇行上禮。廉恥爲務。苟賤嗜利者。不齒于里黨。而莊氏子。吾鄉爲故家科第。仍顯文章。行誼冠冕士類。觀于斯譜。則諸君子所以沐浴世澤。耄期稱道者。豈獨莊氏之幸歟。昔者先王致天下之士。與之治。百姓然七十而致政。歸老于鄉里。豈不以教民知恥。勸讓安老者哉。其老者則非佚息而已。必以時坐左右塾。教其里之子弟。大夫謂之父師。士謂之少師。民志之不壹。孝弟有弗達。情于農桑而薄于友助。責在父師。少師于是臘月農功畢。餘子入塾。黨正以鄉飲酒之禮。致民于序而正齒位。杖者

敦句俗法
子居

爲賓父師少師爲僕皆與獻酢之禮旣成旅而乞言相
與歌詠古聖之道歸美于上故詩曰朋酒斯饗曰殺羔
羊躋彼公堂稱彼兕觥萬壽無疆先王所以正人倫厚
風俗仁壽一世恃有此道也今去九老之會五十年矣
其老者猶及見前輩之盛德其少若壯者蓋無聞焉然
則由今以後鄉人子弟景頌先烈世遠愈不及將何所
考正而傳道者哉此達甫之譜所以不可不作也達甫
爲九老中南閩翁後人篤學力行克世其美嘉慶元年
詔郡縣舉孝廉方正邑之人以達甫應大府上其名擬
召用達甫固辭吾以爲鄉之先生皆如九老鄉之子弟

皆如達甫庶幾哉吾鄉之人士膏澤

聖世之化休問盛事將不絕于來茲矣遂書而為之序

嘉慶三年月日

莊達甫無名人詩序

如陟旋峯如
遊轉壑昔人
文無不用此
法極形肖者
送王損敘木
假山記是也
不識者乃以
為一無形肖
處子居
洗耳率猿風
言孔子不得

往余讀高士傳以為古之君子懷貞負和不得已而與
世相接猶深自匿晦或名不可得而聞則夫高巖窮谷
之中終已不通于世者豈少也哉惜乎其不得盡傳之
也既而思之古之高世之士非苟以身儕麋鹿而已若
許由善卷披衣齧缺之倫親為帝者師及三代之衰沮
溺丈人荷蕢之屬乃有激而逃焉者然許由洗耳巢父

爲敬自見宜
俾說子居

率領披裘公反裘負薪荷蕢之流通言于孔子彼雖隱其光藏其形亦未始不欲自見以傳于後孔子曰君子疾沒世而名不稱焉然則君子雖遯世或者無終晦于深巖窮谷而不得一接其名者耶孔子作春秋以名爲褒貶故有求名而不得有欲蓋而名彰然如齊之太史氏秉筆爲道兄弟赴義若飢渴絳縣老人晉之重人聲動公卿而史不能道其姓氏則又以爲古之君子者雖其有稱於後蓋亦有幸有不幸而況其名與事俱泯焉者又可勝道哉司馬遷曰閭巷之士砥行立名非附青雲之士烏能施于後世悲夫有以也吾友莊達甫次古

收筆弱俗設
色亦非法

子居

此題著手便
腐惡作者變
而說經乃規
避也但賞其
精到則被瞞
矣局法真

君子之見于傳而佚其名者自上世迄周凡若干人頌之以詩爲一卷達甫今之砥行立名者又每有高世之志昔者揚雄論德名以鄭子真楚兩龔嚴君平爲庶幾而班固作史以王吉貢禹鮑宣兩龔與四皓鄭嚴同傳蓋明出處之同科隱顯之一致也達甫之爲此豈曰以慕夫鴻飛冥冥之爲徒者哉

遷改格序

易之象曰風雷益君子以見善則遷有過則改解之者曰君子謂乾也益之初吝之上乾也其四否之三坤也坤進而居乾是謂遷善乾降而正坤是謂改過改過之

道不可以不重也。如雷然赫乎其動之也。遷善之道不可以不輕也。如風然冷乎其入之也。故曰益動而巽日進无疆。此君子所以終日乾乾夕惕若夤者也。君子之學始于自知而訖于自成。始于自知者能見善與過之謂也。非所善而善是謂僭。非所過而過是謂誣。誣且僭君子雖自反其能益乎。夫決嫌疑定猶豫別是非舍禮何以治之。故禮者道義之繩檢。言行之大防。進德修業之規矩也。君子必學禮。然後善其所善而過其所過。益之初曰利用爲大作。大作國之大事。祀與戎也。其二曰王用亨于帝。亨者祀也。其三曰益之用凶事。凶事喪也。

其四曰中行告公從告公朝聘之禮也利用爲依遷邦
言大封也故吉凶軍賓之禮具于益焉君子于以考蓍
于以鑒歷是之謂自知訖于自成者無吝于始無怠于
終變動不居而常執其貞無吝于始者益之初復也復
小而辨于物旣以辨之君子不如是則不樂故傾否先
否後喜也無怠于終者益之成泰也乾動而下坤動而
上乾德也坤業也業日進而照之以德光故曰自上下
下其道大光也變動不居而常執其貞者益之用旣濟
也不正不益故曰或益之十朋之龜永貞吉萬龜也兌
朋也貞正也言三正離而下益兌也其在上曰莫益之

或擊之立心勿恆凶莫益之者上不來也或擊之者初將壞也立心勿恆者巽爲坎濟未泰也夫時者有變而禮無不宜君子務正其道正其道而勿有守之以恆是以大通易曰損益盈虛與時偕行此之謂也吾友莊君卿珊寡言而力行好學不倦與其同志陸君紹聞取明人功過格正之以禮明其統例名之曰遷改余以爲君子之學所以異于釋氏者唯無求其報應福利而已非昧昧于善惡之輕重而曰吾明道不計功也卿珊之爲此其諸以爲禮之律令與故爲說易之言遷善改過者以序其篇

茗柯文二編卷上終

韓歐法如是
其用意皆微
用筆空脫自
南華得來
子姑

茗柯文二編 卷下

贈毛洋溟序

余之友曰毛洋溟學古之道爲古之文音樂而友之余
之友曰吳仲倫學古之道爲古之文音樂而友之洋溟
爲人坦易通適其文跌宕尙奇氣仲倫行嚴整進退有
法其爲文亦然二子者未嘗相過從余嘗以洋溟之文
示仲倫仲倫弗之許以仲倫文示洋溟洋溟亦弗深許
也然余聞仲倫言古之君子尊其道故其思約致其學
故其辭文惟洋溟之言固若是洋溟論爲文以古人爲
規矩始于法成于化仲倫亦嘗云爾夫二子者其學于

道。同。學。于。古。人。之。文。同。而。至。其。爲。文。若。乃。大。異。何。哉。余
嘗。疑。古。之。文。人。前。後。數。千。百。年。更。相。詆。訾。以。是。所。見。嘗
以。爲。設。使。其。並。生。一。時。相。與。上。下。其。議。論。未。知。其。所。爲
是。非。者。果。有。是。非。乎。其。無。是。非。乎。抑。亦。互。相。爲。斷。斷。者
乎。然。唐。人。爲。文。唯。韓。愈。氏。爲。是。其。時。若。李。元。賓。樊。紹。述
之。流。于。古。人。之。文。未。爲。得。規。矩。也。而。韓。氏。之。推。之。不。啻
其。自。許。易。曰。天。下。同。歸。而。殊。塗。一。致。而。百。慮。則。又。疑。以
爲。古。之。學。于。道。而。庶。幾。古。人。者。雖。有。不。同。其。必。無。互。相
爲。是。非。者。耶。今。二。子。者。並。時。而。生。又。同。州。邑。處。余。以。未
嘗。一。相。見。上。下。其。論。議。也。果。其。開。口。一。論。議。則。余。之。所。

疑于古人者其可釋耶抑二子者自有同焉者而其異者未足爲是非也余爲古文在洋溟後而同學于仲倫二子者之是非余無以識之也故序洋溟之文以訊仲倫

送錢魯斯序

魯斯長余二十四歲以嘗從先君子受經故余幼而兄事之魯斯以工作書爲詩名天下交友徧海內余年十六七歲時方治科舉業閒以其暇學魯斯爲書書不工又學魯斯爲詩詩又不工然魯斯嘗誨之越十餘年余學爲古辭賦乾隆戊申自歙州歸過魯斯而示之魯斯

大喜願而謂余吾嘗受古文法于桐城劉海峯先生願
未暇以爲子儻爲之乎余愧謝未能已而余游京師思
魯斯言乃盡屏置曩時所習詩賦若書不爲而爲古文
三年乃稍稍得之而余畱京師六年歸更太孺人之憂
復游浙中轉入歙而魯斯客湖南北久乃歸參差不得
見者十三年今年夏余自歙來杭州畱數月一日方與
客語有覩然而來者則魯斯也其言曰吾見子古文與
劉先生言合今天下爲文莫子若者子方役役于世未
能還鄉里吾幸多暇念久不相見故來與子論古文魯
斯遂言曰吾曩于古人之書見其法而已今吾見拓于

石者則如見其未刻時見其書也則如見其未書時夫
意在筆先者非作意而臨筆也筆之所以入墨之所以
出魏晉唐宋諸家之所以得失熟之于中而會之于心
當其執筆也絲乎其若存攸攸乎其若行冥冥乎成成
乎忽然遇之而不知所以然故曰意意者非法也而未
始離乎法其養之也有源其出之也有物故法有盡而
意無窮吾于爲詩亦見其若是焉豈惟詩與書夫古文
亦若是則已耳嗚呼魯斯之于古文豈曰法而已哉抑
余之爲文何足以與此雖然其惓惓于余不遠千里而
來告之以道者惟恐其終廢焉者嗚呼又可感也于是

留數日將去送之于西湖書其言而誌之且以爲別

與左仲甫書

仲甫執事前者奉書適苦頭痛言辭草猝懷不能盡凡
今天下之患在事至而無人任之無人任之者非無人
爲之也爲之而不足以勝之也凡爲其事者未有不欲
人之任之也非其人而任之事非以此人爲果足以勝
之也知其不足以勝之而無勝之者之可以代之故不
得已而聽其事之不勝也夫用人之道若良賈之息物
然陸而資舟水而資車故時用物而不置事之至也而
求勝之焉者此其所以無人也識足以察之權足以致

之是之謂豫事凡今之有其權者皆不足以言此者也
或可與之言則又不足以察此者也州縣官之于權可
謂微矣雖然事之至而所欲求者其與有其權者有以
異乎無以異也仲甫之于此有其責矣其亦知之矣而
識又足以察之然則有其權者不足與言可與言者非
仲甫而誰哉仲甫之官不足以奔走天下之士仲甫之
財不足以延攬天下之士然而望之于仲甫者以仲甫
之自有可用之權也知縣者民之父母也未有一家之
人曠不相接而可以爲父母者也未有子孫之才智僕
隸之技力漫不相悉而可以爲父母者也昔者宓子宰

單父有兄事者有父事者有師事者今之縣與古之邑
大小殊矣民人戶口不啻十倍而曰無其人者儻不然
歟今仲甫之于所治搢紳之士章野之族下及吏胥之
役亦嘗得其可任者歟其有之則吾于仲甫無以復言
也如其求之而未得也其未嘗求之也則仲甫之責方
今之務未有要于此者也夫鴻毛雖眾木若一翻諸諸
盈側不當一士仲甫左右儻有周舍其人者乎其未有
也其未嘗求也則仲甫雖盡相識者而泛愛之人人有
得于仲甫其無益于仲甫之事可知也方今人才誠不
易得仲甫氣夷而見遠富有以辨之大要不汲汲于世

俗而近千迂誕者乃爲才耳朋儕中如丁道久者庶幾
可以成就惜其奔走衣食恐遂役於塵俗不然則亦可
任之一人也惠言于天下事無一能曉不量其愚鄙輒
欲以狂言聞于執事執事其亦察之幸甚不宣

答莊卿珊書

卿珊足下得四月二十日書忻悚以愧僕不肖幼不知
學長而漫游行不足以自立文不足以自通過辱推許
誠非任受挹損之義自恆以上所不敢承況惠言之譎
謔者耶然吾子名家子學有源別質直不妄固知非苟
爲獎借而已蓋其有所篤好深嗜嗛嗛若不及中誠發

于天性推而達之而不自知其所施之非人僕豈惟媿
吾子之推許已哉抑重媿吾子取道之勤勤爲所不及
也自僕往京師鄉里之賢士聞其名者多矣嘗恨不及
知而友之其或見之而無恨于不知者乃亦多有三歲
以來略得相識然困于憂患心惛然不暇曉又奔走衣
食汲汲靡底其慕而友之者卒歲不過三四見又嘗自
恨友之而不足知之與向之不得友之也無有異去歲
遊南陵與道人居三十日自以爲知之其聰敏特達志
氣激發昭昭然在三代之上庶幾聖人之所爲進取者
僕既得其爲人稠人廣眾之中率語之以自壯吾子在

諸君子之中內重而外厚最可一望而識又學于道久
議論性術一宗于師僕之于知吾子也自以爲差易而
又堅之以道久則吾之信于吾子者其亦有以得之矣
自古非才之難成之實難其于今尤甚何者貧窮迫其
中而誹譽敗其外也然天下之事無藉爲之則已爲之
有異于古乎哉幸而不爲其事則已爲之不必于古之
人之爲之乎哉才之天也成之人也在天者道久之與
卿珊皆是矣在人者道久之與卿珊之志皆是矣二子
者之成豈不謂難哉然吾謂二子者有其志則眾人之
所難者不足以難之而二子者之不負乎其志抑爲難

也。僕材鷲而精茶，終以無所造就。庶幾朋友之中多見
有其人者，而吾之求之亦未始屢得。抑鄉里之士僕所
未知者，猶多卿。珊必知之。其儻爲我言，吾得徧友之足
矣。遷改格序前錄去，計已得見。文辭雖不足道，其亦可
爲一簣之助耳。舍弟方銳意爲學，而迫于所難者，憂恐
猝猝未知所成就，何如耳。方暑自愛，不宣。

鄂不草堂圖記

嚴鎮市之南舊有園曰先春，地平衍小，不能三畝。臺榭
之飾甚儉，池石花樹獨奇。其外平疇長林，帶以崇山雲
物之態，四望交集。嚴鎮之爲園者，莫及焉。乾隆乙巳，余

客巖鎮時園荒無人嘗以歲除之日與桐城王悔生披
離而入對語竟日是時朔風怒號樹木叫嘯敗葉荒草
堆積庭下時有行客闕門而視相與怪駭不知吾兩人
爲何如人也壁間有舊題則金君文舫及其兄筠莊季
星巖聯句詩蓋五六年前游詠之盛猶可想見而其時
筠莊官京師文舫星巖侍觀察公于吾郡皆不得相見
讀其詩俯仰今昔文爲之慷慨明年余與悔生皆去巖
鎮又十年余復來則園已爲文舫所有益治其傾圯位
置其樹石增以迤廊曲房高樓修除山若聳而高水若
澗而深花木魚鳥皆若相得而欣既乃易其名曰鄂不

草堂誌昔游也。于是筠莊宦河東。文舫則與星巖昕夕歌嘯其中。燕飲屬客。余時時在坐。而是歲十月。王晦生適至。信宿草堂。乃去。當君兄弟昔日詠觴之時。豈意十五六年之後。來爲斯園主人。而余與晦生十年之間。南北奔走。適草堂之成。而復得相遇于此。人生盛衰聚散。大都如此。非偶然也。于是黃君純矣。畫草堂圖。乃記其後云。園于程氏當明之某年。草堂于金氏爲嘉慶元年。編竹爲籬。方若干步。堂居東偏。西嚮。前有桂樹四。堂之左。曲廊迤以。北水閣在其北。少西南嚮。其下池。怪石環其池。池中爲梁。梁西有梧桐。高三十尺。古藤繚之。盡其

末末下垂復土爲本相去六尺樓在池西方二丈四達
窗曲池環之若矩夫藥盈焉其岸多老梅石如人立曲
池之西又樓之東嚮道夫藥上屬于方樓北降爲曲房
爲齋爲庖漏以東屬于水閣曲池之南爲畦春種芍藥
秋種菊畦東亭亭北值水閣牡丹在亭東其東紅豆樹
高四十尺三歲一實北直平堂亥舫名應璫內閣中書
不榮其官退而樂兄弟之樂君子以爲賢

江氏墓圖記

相墓之法山來遠矣班孟堅曰形法者大舉九州地域
以立城郭宮室審其吉凶譬律有長短而徵其聲非有

鬼神其數然也。然氣與形相爲首尾。有有其氣而無其形。亦有有其形而無其氣。則精微之獨異者焉。以其說不見於六經。傳其學者皆技術之士。言不能雅馴。學士罕道之。是以靡所折中。而迂怪荒亂之言縱矣。自宋以前。地理家書著錄者七百餘卷。今其存者不百一。而元明以來。僞妄之書徧天下。異學之禍非獨儒術然也。傳曰。占水之法。以勢爲難。而形次之。方又次之。勢來形止。謂之全氣。夫氣之行乎地也。無乎不之也。雖然。有散有聚。有發有斂。有和有乖。有潛有駁。是之謂八成。夫氣者。响也。响必有所積。積必有所起。起必有所分。分必有所

會。是。故。欲。其。來。來。也。者。會。之。徵。也。來。也。者。無。不。往。也。有。
所。耨。而。畜。有。所。畜。而。疑。來。者。畜。則。往。者。亦。來。是。故。欲。其。
止。止。也。者。疑。之。徵。也。雖。然。懼。其。氣。之。乖。也。故。陰。陽。以。冲。
之。逆。順。以。儷。之。死。生。以。物。之。猶。懼。其。駁。也。故。經。之。以。十。
二。兩。之。以。八。參。之。以。二。十。四。緯。之。以。四。十。八。有。向。有。背。
有。右。有。左。故。曰。方。方。也。者。受。其。來。動。其。止。也。是。之。謂。三。
乘。世。之。謂。術。者。則。不。然。論。勢。則。蔽。於。五。行。而。不。窮。其。分。
變。論。形。則。眩。於。四。勢。而。不。察。其。頓。息。論。方。則。舛。於。星。卦。
而。不。原。其。條。理。紛。紜。回。互。百。變。萬。出。而。各。自。以。爲。神。鳴。
呼。揚。曾。不。作。其。誰。與。正。之。夫。葬。者。藏。也。藏。也。者。所。以。安。

親之體魄也以親之體魄邀其利也者君子謂之逆雖然體魄之安于其地也吾不得而知也其禍于其子孫者其體魄不安焉吾見之矣故葬者以禍福爲之徵君子不欲言願有所弗廢也吾友江君少好學無所不窺以其先世之有未葬也乃精求地理之學古今之書悉通之考之以目驗決其是非若白在黑爲之十餘年乃始卜地以葬其祖及曾祖其族人紹蓮爲圖其地形而藏於家欲子孫之世有考也後十有八年余來新安始識君時時質君以地理以君之論證之于書皆可信旣觀君之葬有合于古者三焉一曰不趨正勢故審氣特

二曰不貪貴脈故乘氣親三曰不逐水向故用氣純信
乎哉其有以寧其親也乃記其圖曰乾隆四十三年十
一月辛丑歛江毓英葬其曾祖考朝議大夫霖公府君
於所居北邙簪箕塢之原以其曾祖妣徐恭人及其祖
考朝議大夫虞在府君祖妣方恭人祔山祖于瑞金別
于雞冠降于馬墳于法龍巨門穴左輔水貪狼來脈艮
入氣甲葬乘甲向在申左加坤封之崇四尺圍十六尺
碑於後向亦申右加庚就用水爲癸局具如圖嘉慶三
年十二月八日武進張惠言書

周維城傳

縣志卷之五
史公法華有
大小氣有厚
薄耳子居

嘉慶元年余游富陽知縣惲侯請余脩縣志未及屬稟而惲侯奉調余去富陽富陽高傳占君子人也爲余言周維城事甚具故爲之傳以遺後之脩志者

周豐字維城其先紹興人徙杭州世爲賈有貲父曰重章火災蕩其家流寓富陽重章富家子驟貧抑鬱無聊益蹶弛不問生產遂大困尋死富陽豐爲兒時當天寒父中夜自外歸又無所得食輒引父足懷中以臥十餘歲父旣卒學賈晨有老人過肆與之語奇之立許字以女女李氏也豐事母起坐行步嘗先得其所欲飲食必親視然後進事雖劇必時時至母所視問輒去去少頃

卽又至母不覺其煩李氏女又能順之母脫有不富意或端坐不語豐大懼皇皇然若無所容繞床盤旋呼阿母不已聲悲慕如嬰兒視母顏色怡乃大喜又久之然後退其子孫逮見者言其寢將寐必呼阿母將寤又如之殆不自覺也豐年四十二時未有子病幾死過吳山有相者睨之良久引其手指之曰是文如丹砂公殆有隱德當有子富壽康寧自今始矣豐賈致富有子三人孫六人子濂沆孫愷恆皆補學官弟子豐年八十四卒如相者言豐於鄉里能行其德有長者行嘗有與同賈者歸豐旣資之已而或檢其裝有豐肆中物以告豐豐

急令如故。藏誠勿言其來待之如初。高傳占言曰：富陽人多稱豐能施與好義。然豐嘗曰：吾愧吳翁。焦翁吳翁者，徽州人。賈于富陽，每歲盡夜懷金走里巷，見貧家嘿置其戶中，不使知也。焦翁者，江寧人，挾三百金之富陽。賈時江水暴發，焦急呼漁者拯一人者與一傘。凡數日得若干人，畱肆中飲食之，俟水息貨遣之，歸三百金立罄。二人者今以問富陽人，不能知也。豐又嘗言：吾生平感婦翁知我，嗚呼市巷中固不乏士哉。

濟南知府莊君傳

莊君鈞，字振和，自號曰墩坡先世自鎮江之金壇徙武

孟堅退之之
問論亦有法
子居

進明宏治中有釋者中進士官山東參政其後子孫多
顯武進之言世族者推莊氏以至君十世矣君少育於
外王父劉文恪公于義乾隆初劉公奉節巡修畿輔河
道君年十九隨幕府數爲劉公言水利事劉公甚奇之
當是時直隸總督高公某方舉能任河工者曰孰有才
如莊某而不早試之吏者乎卽上其名補霸州州判卓
異升東安縣知縣磁州知州以與按察使有親例改河
南禹州升直隸汝州尋升陝西漢中府知府畱河南改
南陽仍調直隸大名府丁父艱服除授山東濟南府護
理濟東道按察使印卒於官君旣以高公舉任河工而

以後督方公觀承卓異薦其畱河南也以巡撫阿思哈
公奏而直隸總督周公元理請之故又調直隸君旣明
習水利事又長于治民所在大府爭欲任君以事其厯
州郡皆有殊績而君性謙謹未嘗自言及君之歿而其
子幼無以知君之詳獨得其卓卓稱誦于人人者四事
其一事曰磁州二漳水合于其西夏秋之間水潦至決
溢四漫或數百里無陸虛瀕河之東歲賦帑築隄而捍
之潰又增焉以爲常君至州議曰水方悍而撓之以隄
是搏之也請穿河引之勢必殺總督方公然之疏于
朝報可如君所欲穿者漳患大息其二事曰漳之瀕有

棄地數千頃故民田也爲水敗獨其賦存吏以敲朴責之君請總督以聞盡蠲之良祠君于漳水上其三事曰汝州舊有衛衛有四屯衛之罷也并于州而諸屯距州二三百里遠徭役以爲病君爲州皆貰免屯之民立石誦焉其四事曰君始爲大名府歲大旱君謁守道請發粟賑道曰太守擅之乎咎誰執君曰府去省千里又移往返必旬月饑民旦暮且死何咎之云乎知府請任立檄大名元城出穀四萬石與民旣總督周公奏之有旨復與賑穀四萬石民無餓者是秋歲大稔

張惠言曰君之子軫與子交軫言君在東安時河水暴

至君乘小舟渡及中流舟覆僕役皆溺有躍而呼者曰
此吾賢父母也遽入水負之出及其去大名民號哭而
走送者百里不絕余以爲世多言今之民情不如古觀
于君豈其然哉惜乎君之未得盡其所設施而其事又
不得而盡傳之也余嘗游大名大名之人至今能道君
之賑民粟也

封文林郎惲君墓誌銘

惲本楊氏漢平通侯惲其子違難以父名爲氏是曰貞
道爲梁相後遷于毗陵之黃山而葬焉子孫世爲毗陵
人君之支祖曰魏明湖廣按察司副使卒亦葬黃山君

祖曰變臣父曰士璜由君至副使幾世由副使至梁相
幾世武進當吳越之要屢有兵燹故其望族不及宋以
上唯惲氏自漢子孫不他徙能識其祖之居葬至于今
不婚楊氏君之所居曰石橋去黃山十里自祖考皆不
仕君以經授鄉里教其三子爲人好善而嫉惡持之甚
嚴辨取予甚力不取虛美不逐世法獨行己志而已患
溼疾以嘉慶元年月日卒年六十有三其明年某月日
葬于其祖考之兆南在所居之北西三里君之子敬嘗
試禮部不第君時已病敬請歸省輒弗許其意欲以成
其子之名以信其志也已而以教習官學生得官當選

爲知縣固非所欲請于君君命就選其意又欲以所欲爲者屬之子以施之民也敬爲吏廉奉祿不足以豐養君以疾困未能之所治見其政成而君于是死矣余與敬交最久今年春卜葬吾母先時請於敬以銘墓之文敬許之矣未及爲而遭君憂嗚呼吾母不得敬之銘而乃使余銘君之葬也其可感也夫君諱輪字印槐配鄭氏考曰縣學生賓石今舉人環其兄也內德盛茂事君疾備至而不衰子三人長曰敬江甯鄉試舉人由浙江富陽縣知縣調江山縣以

覃恩封君文林郎配孺人贈君之考如君妣錢如配

以後誌銘
此子居

鄭氏次敬次敷順天鄉試舉人女一適鄭氏孫二銘曰
是唯君子之親賢此幽德兮曜其後人千秋萬世兮無
或湮

楊君茹征墓誌銘

嘉慶三年七月三日陽湖楊君茹征卒其子嵎谷之友
王曰且以書訃張惠言於杭州且曰以君之好文章詞
人學士之交於嵎谷者無不愛且禮也而於吾子及莊
宇達畢訓咸三人者殆無日去諸口今其不幸而卒子
可無以銘其藏又曰君之行在門內父子昆弟誥至潛
篤而無奇異可喜之事君之義在取予交接矜分循節

而無任氣矯俗之舉。君之風概在鄉里。朋友敬信愛樂。而不得施尺寸之用。以見于世。懼遂無述于後。使潛德晦昧。則後進者之恥也。又曰。方君病且革。夢寐或囑言。數日忽猛省。誦詩曰。有倫有脊。自是神定如平常。及將屬續。嶠谷泣告曰。大人行矣。其擇高明光大之路而蹈之。君已不能言。領之遂卒。嗚呼。觀君生死之際。所以自持及父子之所以相勸者。其生平之所養。豈苟焉而已哉。張惠言曰。古者取士以德。行故士爲善于國。不若爲善于家。後世一以科舉試。無用之文詞。非是者。擯不得仕進士之有以自見者。豈不鮮哉。而世之論人者。必求

其奇行高節繩墨之士則略弗稱道爲德者無以勸而俗以益媮其不以此歟如君者道足以治其行而無其位學足以淑其德而無其文惠足以博其施而無其財若乃矯異絕特之事以取傳道非君之所存也然則予之銘之也其容已乎君諱彙吉字茹征卒年七十一以某年月日葬于某原祖諱某考諱某妣某氏娶于某生子二人長卽嵎谷賢有文爲士宗師以廩膳生貢于學次曰某孫若干人曰某某近勇補學官弟子君爲人長疏哲有容音響清越論議侃侃晚多病竟日對客莊坐猶無倦色君每以不學爲憾前年春惠言將之歛謁君

別君命嶠谷館之夜分與嶠谷論易君在別室聽久更
來相與譚名理多獲以是知君之未嘗不學也銘曰
氣剛以嚴文直以介何德之方惠于交友敬以終始何
道之常有所不取靡所不予何施之光自厥門內亦暨
宗黨御乎州鄉自我罔怍自彼罔怨何行之臧猗乎君
歟而棄於不文而惡於不文歟我銘其幽以諱君子後
其尙有聞歟

恭城知縣陸君祠版文

廣西恭城知縣陸君諱廣霖字用賓既卒之十七年其
子繼輅以書請于張惠言曰先人之葬也內閣中書趙

君懷玉旣銘其墓然吾子今之有道德能文章者以繼
輅之獲與遊而不能得一言以傳其先人人且疑先人
之有遺行而吾子弗之許也敢以爲請邑有吏如吾先
人而傳之俾有述抑亦吾子之責惠言媿謝非其人不
獲則條具其行事可論者以爲版文俾著之廟將俟表
君之墓者刻焉其辭曰

君中乾隆三年順天鄉試舉人四年會試進士是時福
建知縣缺大吏以請

天子重其人特用新進士選補而君得連城進士之有
卽用知縣自君始君由連城知縣應寧化順昌彰化而

順昌再任最後爲恭城縣署百色同知君爲知縣屢以公事失官凡三失官輒復以知縣用嘗保舉知府終不得遷卒以知縣爲同官牽連罷職焉君爲知縣二十餘年所治閩粵之間或在海中林箐谿峪夷民蠻獠盜賊廁處不可施以政地曠以隔俗憤悍睚眦語言挺刃矢相鬪結連黨羣千百爲輩吏相顧不敢問則縱弛羈縻冀且無事及其不可隱則嚴治以法痛芟艾之君以威惠爲治善摘伏鉤距中民之情偏言單辭應手立斷姦民巨豪先知其主名窟穴所在張關發機壞其萌芽姦不得發寧化豪劉席玉其黨數百人號鐵尺爲鄉里害

君始至行縣召之至及其黨皆至遽執之眾大驚不知所爲皆首服論十四人如法盜邱氏者居下泉里聚黨自衛積十餘年吏莫敢捕君致其族之爲諸生者喻之曰家有巨猾不能擒罪將及汝眾曰諾旬餘盜皆得而盜賊聞君之威亦不敢匿名捕之無不獲者嘗遣吏有所執取吏難之君曰不得吾親往至則已自械而待蓋其嚴如此然君實以平恕服之非以武猛爲務連城民有侮其族之貧者出其主于祠貧者怒火其祠遂相劫殺吏當之死君至致其族人于庭諭以情涕泣交下眾皆泣大感悔乃出火祠者于獄而反其主和如初臺灣

多漳泉兩郡人素不悅往往持兵鬪因肆劫君之在彰化以事他出泉人乘君之不在也攻漳人于市眾大駭君聞馳歸親諭之咸解兵叩頭君子之杖其自彰化調順昌也守道以彰化多鴨寮曩時伺鴨者朱一桂以臺灣畔戢之謂君必禁斷乃去君曰此民業可禁耶審其籍令鄰里保任之君之寬厚喜全活人皆此類故終君所任無劇盜兵鬪者舊獄無不決君所不直退無怨言謗辭君在閩嘗爲巡撫陳文恭公陳十二事曰崇貢院通水利整橋梁裕積貯廣郵亭興煤厥瑞士習嚴械關禁囤積廣閭神戒溺女止燒山陳公以爲善多見施行

其治縣亦皆用此蓋君明習吏事知大體本末明足以決之強足以勝之而屢起屢蹶終不越縣令又以廢退卒故人多惜焉君以善治獄聞其事見于趙君之誌甚具故采其大者而論之君之卒以乾隆四十五年月日年七十五以乾隆五十三年月日葬于孝仁鄉方基邨夫人高氏莊氏附子五人繼輅最小賢而有文孫耀通亦與余善

系曰君之宗自福始祖廷煒父載起世有緒以至君顯其德施於民胡起之胡蹟之胡有才而已斯君有子亦作宰門未昌其有待君之季維其賢亦有孫世作程澤

之業于是存有不信訖此文

先府君行實

先府君諱蟾賓字步青號雲壩姓張氏其先自宋初由
滁遷常州常州之張多由滁諸牒廢世不可紀其後曰
端當明宏治中居南門德安里是爲大南門張氏張氏
非大南門不其譜端孫欽欽生洲洲生宏道萬厯中舉
於鄉官開封府通判生典典生以鼎以鼎生銘偃銘偃
生采采生金第娶于白生府君自典至金第皆補郡縣
學生有文章名世以教授爲事而銘偃當明之亡獨不
爲制舉業至府君生九歲而孤有兄曰思楷弟曰瑞斗

家貧日不得再食奉白孺人教兄弟相厲以儒學補府
學生試高等廩膳常教授鄉里間其後游沅州一歲得
疾歸遂卒年三十有八府君旣不得志于世無所表見
又不獲永其年充所學以致不朽所論著皆未就其卒
時惠言方四歲翊遺腹四月而生凡其言行可紀者弗
得聞聞之于人所傳又弗敢審而府君之執友湯先生
賁輅鄭先生夢楊篤行君子也知府君深守道德不毀
譽故著其言以爲府君行實焉湯先生曰君好學深思
不事穿鑿善爲詩及制舉文操紙筆立就性沈摯寡欲
少言尤不喜說人過與人交不設城府久而能敬鄭先

生曰薛心筠董仲容湯賓輅君兄弟總角交也賓輅抗
希古人好考核故事不輕出門戶君兄弟與仲容則常
集于薛氏予亦時時在坐雍容出論議率常連日夜君
色溫而恭言簡而中余心敬賓輅而酷愛君謂兩人于
入道近也篤于孝友平生未嘗與人迂人亦未嘗迂君
或問之曰天壤間何處可使性氣其爲人如此鄭先生
又言府君有異表中夜目光閃閃或一二尺許嘗自言
秋夜偶翫月見河漢間雲鱗鱗士女數十人雲裳霞佩
執諸樂器飄飄過太虛膚髮纖悉可辨云湯先生名修
業鄭先生名環皆常州武進人

子長孟堅敘
事生動淋漓
承祚以簡失
之後人不簡
而亦失之可
笑也此文前
半真妙極也
子居

先祖妣事略

先祖妣白孺人年二十二歸我先祖考政誠府君生子
三人女二人政誠府君側儻好學通六藝諸子之書天
文術數劒騎之說家貧屢困童子試父文復府君命北
游占天津商籍鄉試順天俄得疾卒京師年三十五是
歲雍正十一年也訃至孺人慟絕是時文復府君年七
十一呼曰天乎兒與婦偕亡乎頃之孺人蘇文復府君
曰我老矣諸孤幼新婦死耶孺人泣謝曰不敢明年文
復府君病及革顧孺人泣曰吾死矣諸孤與新婦爲命
新婦存一日諸孤亦存一日也良久唏噓曰貧甚無可

倚者吾死。新婦存耶。孺人泣對曰。新婦生死與諸孤俱。文復府君遂卒。是時孺人三子。曰思楷。年十一歲。曰蟾賓。九歲。曰瑞斗。六歲。兩女少長。年十二三歲。孺人率二女紡織以爲食。而課三子讀書。口授四子毛詩爲之講解。有疑義。取筆記俟。伯叔父至者。就質焉。或謂孺人家至貧。令兒習他業。可以餬口。今使之讀。讀未成。餓死矣。孺人曰。自吾翁而上五世爲文儒。吾夫繼之。至吾子而澤斬。吾不可以見吾翁。卒命之學。文復府君有弟曰衍黃。老矣。教授於家。憐諸孫。恆誨之。嘗語孺人曰。而子可教。吾欲嚴督之。念其枵腹不忍也。孺人謝曰。翁幸督之。

楊腹何病焉。及孺人所以教言行出入閭閻。三子皆以文行有聲。自文復府君卒後。十數年。日常不得再食冬衣。無柳夏無帳。食以糠覈爲粥。唯歲時及家忌日。乃具蔬食以祭。孺人曰。雖不成禮。不敢闕也。戚族中有周恤之者。一粟一粟皆簿記之。曰。他日不可不報。而政誠府君之卒於都也。內閣中書許公宏聲爲經紀其喪。文復府君之終事。則衍黃辦之。孺人尤感焉。曰。吾子孫勿忘此大德。孺人後政誠府君二十六年。以乾隆二十四年二月二十日卒。年六十有四。考諱琪。武進學生。母吳太孺人。政誠府君諱金第。天津府學生。文復府君諱采。武

進縣學生孺人之在室也吳太孺人病孺人刲股肉和藥以進病輒愈及文復府君疾革孺人復刲股以進焉及其卒也子瑞斗亦爲之刲股孺人喜釋氏書晚乃蔬食曰此亦安心一法至於僧尼寺觀毋許往來以爲家教孺人子思楷縣學生蟾賓府學廩膳生惠言之父也女壻曰趙體元邵規方孫三人曰富言惠言翊孫女三人壻曰董達章丁某許某曾孫五人孺人卒之五年子蟾賓亦卒其明年思楷及瑞斗奉孺人之柩合葬于加冠橋政誠府君之兆知縣黃公瑞鵬表之曰純孝苦節嘉慶年月日孫惠言謹述

鉤摹極細轉
勒處俱大神
力俗人止知
目爲至性爲
文子居

先妣事略

先妣姓姜氏考諱本維武進縣學增廣生其先世居鎮
江丹陽之滕邨遷武進者四世矣先妣年十九歸我府
君十年凡生兩男兩女殤其二唯姊觀書及惠言在而
府君卒卒後四月遺腹生翊是時先妣年二十九姊八
歲惠言四歲矣府君少孤兄弟三人資教授以養先祖
母先祖母卒各異財世父別賃屋居城中府君旣卒家
無一夕儲世父曰吾弟不幸以沒兩兒未成立是我責
也然世父亦貧省嗇口食常以歲時減分錢米而先妣
與姊作女工以給焉惠言年九歲世父命就城中與兄

學逾月時方一歸省一日暮歸無以爲夕餐各不食而寢遲明惠言餓不能起先妣曰兒不慣餓億耶吾與而姊而弟時時如此也惠言泣先妣亦泣時有從姊乞一錢買糕啗惠言比日朕乃貰貸得米爲粥而食惠言依世父居讀書四年反先妣命授翊書先妣與姊課鍼術常數綫爲節每晨起盡三十綫然後作炊夜則然一燈先妣與姊相對坐惠言兄弟持書倚其側鍼聲與讀聲相和也漏四下惠言姊弟各寢先妣乃就寢然先妣雖不給於食惠言等衣履未嘗不完三黨親戚吉凶遣問之禮未嘗闕鄰里之窮乏來告者未嘗不伏卹也先是

先祖早卒先祖妣白太孺人恃紡績以撫府君兄弟至
于成人教之以禮法孝弟甚備里黨稱之以爲賢及先
妣之艱難困苦一如白太孺人時所以教惠言等者人
以爲與白太孺人無不合也先妣逮事白太孺人五年
嘗得白太孺人歡于先後委宛備至于人無所忤又善
教誨人與之居者皆悅而化姊適同邑董氏其姑錢太
君與先妣尤相得虛其室假先妣居先妣由是徙居城
中每歲時過故居里中諸母爭要請致殷勤唯恐速去
及先妣卒內外長幼無不失聲及姻親之臧獲皆爲流
涕先妣以乾隆五十九年十月十八日卒年五十有九

以嘉慶二年正月十二日權葬于小東門橋之祖塋俟
卜地而窆焉府君姓張氏諱蟾賓字步青常州府學廩
膳生世居城南郊德安里惠言乾隆丙午科舉人翊武
進縣學生爲叔父後觀書之壻曰董達章國子監生鳴
呼先妣自府君卒三十年更困苦慘酷其可言者止此
什伯于此者不可得而言也嘗憶惠言五歲時先妣日
夜哭泣數十日忽蒙被晝臥惠言戲牀下以爲母倦哭
而寢也須臾族母至乃知引帶自經幸而得蘇而先妣
疾惠言在京師聞狀馳歸已不及五十一日嗚呼天降
罰于惠言獨使之無父無母也耶而于先妣何其酷也

茗柯文二編卷下終